

〔咸淳〕

臨安志

十五





咸淳臨安志卷三十二

山川十一

湖上

西湖

在郡西舊名錢塘湖源出於武林泉周回三十里自唐及

國朝號游觀勝地 中興以來衣冠之集舟車之舍民物阜蕃宮室鉅麗尤非昔比先是城中以斤鹵苦於無水唐刺史李鄴侯泌引湖水入城為六井以便民汲刺史白文公居易又築隄捍湖鍾洩

咸淳臨安志卷三十二

其水溉田千頃自為石記然歲久浚治不時往往湮塞錢氏始置撩湖兵士千人 國朝大中祥符初郡守王濟增置斗門以白公舊記刻石湖上天禧四年郡守王欽若奏以為祝 聖放生池禁採捕 慶曆初守鄭戩發屬縣丁數萬人盡闢豪族僧寺規占之地

仁宗嘉之降 詔獎諭仍命歲常修導 元祐五年守蘇軾奏臣聞天下所在陂湖河渠之利廢興成毀皆若有數惟聖人在上則興利除害易成而難廢昔西漢之末翟方進為丞相始決壞汝南鴻





隙陂父老怨之歌曰壞陂誰翟子威飯我豆羹芋  
魁反乎覆陂當復誰言者兩黃鵠蓋民心之所欲  
而託之天以為有神下告我也孫皓時吳郡上言  
臨平湖自漢末草穢壅塞令忽開通長老相傳此  
湖開天下平皓以為已瑞已而晉武帝平吳由此  
觀之陂湖河渠之類久廢復開事關興運雖天道  
難知而民心所欲天必從之杭州之有西湖如人  
之有眉目蓋不可廢也唐長慶中白居易為刺史  
方是時湖溉田千餘頃及錢氏有國置撩湖兵士  
千人日夜開濬自國初以來稍廢不治水涸草

生漸成葑田 熙寧中臣通判本州則湖之葑合  
者蓋十二三耳而今者十六七年之間遂塞其半  
父老皆言十年以來水淺葑橫如雲翳空倏忽便  
滿更二十年無西湖矣使杭州無西湖如人而去  
其眉目豈復為人乎臣愚無知竊謂西湖有不可  
廢者五 天禧中故相王欽若始奏以西湖為放  
生池禁捕魚鳥人生祈福自是以來每歲四月八  
日郡人數萬會於湖上所活羽毛鱗甲以百萬數  
皆西北向稽首仰祝千萬歲壽若一旦堙塞使蛟  
龍魚鼈同為涸轍之鮒臣子坐觀亦可心哉此西



湖之不可廢者一也杭之為州本江海故地水泉  
鹹苦居民零落自唐李泌始引湖水作六井然後  
民足於水井邑日富百萬生聚待此而後食今湖  
狹水淺六井漸壞若二十年之後盡為葑田則舉  
城之人復飲鹹苦勢必耗散此西湖之不可廢者  
二也白居易作西湖石函記云放水溉田瀕河千  
頃可無凶歲今雖不及千頃而下湖數十里間菱  
菱穀米所獲不貲此西湖之不可廢者三也西湖  
深濶則運河可以取足於西湖若湖水不足則必  
取足於江潮潮之所過泥沙渾濁一石五斗不出

三歲輒調兵夫十餘萬工開濬此西湖之不可廢  
者四也天下酒官之盛未有如杭者也歲課二十  
餘萬緡而水泉之用仰給於湖若湖漸淺狹水不  
應溝則當勞人遠取山泉歲不下二十萬工此西  
湖之不可廢者五也臣以侍從出膺寵寄目覩西  
湖有必廢之漸五不可之憂豈得苟安歲月不任  
其責輒以差官打量湖上葑田計二十五萬餘丈  
度用夫二十餘萬工近者伏蒙 陛下以本路飢  
饉特寬轉運司上供米斛五十餘萬石又特賜本  
路度牒三百而杭當得百道臣謹以 聖意增價



召入中米減價出賣以濟飢民而增減耗折之餘尚得錢米約共一萬貫石臣輒以此錢米募民開湖度得可十萬工自今月二十八日興工農民老父縱觀太息以謂 二聖既捐利與民活此一方而又以其餘興久廢無窮之利使數千人得食其力以度此凶歲蓋有泣下者臣伏見民情如此而錢米有限所募未廣對合之地尚存大半若來者不嗣則前功復棄深可痛惜若更得度牒百道則一舉募民除去淨盡不復遺患矣 陛下少賜詳覽察臣所論西湖五不可廢之狀利害卓然特出

東坡志林卷三十二

四

聖斷別賜臣度牒五十道仍勅轉運提刑司於前來所賜諸州度牒二百道內契勘賑濟支用不盡者更撥五十道價錢與臣通成一百道使臣盡力畢工半年之間目見西湖復唐之舊環三十里際山為岸則農民父老與羽毛鱗介同泳 聖澤無有窮已不勝大願

一自來西湖水面不許人租佃惟羨羨之地方許請賃租植今

來既將對田開成水面瀕至給與人戶請佃種菱深慮歲久人戶日漸侵占舊來水面種植官司無由覺察已指揮本州候開湖了日子今來新開界上立小石塔三五所相望為界應石塔以內水面不得請射及侵占種植如違許人告每丈支賞錢五貫文省以犯人家財充一湖上種菱人戶自來鬻割葑地如田塍狀以為疆界緣此即漸葑合不可不禁今來起請應種菱人戶只得標插竹木為



四至不得以商對為界如違亦許人割賃一本州  
公使庫自來收西湖菱草蕩課利錢四百五十  
貫充公使今來既開草葑盡變而為菱蕩給與  
戶租佃即今後課利亦必稍增若撥入公使庫未  
為穩便今來起請欲乞應西湖上新舊菱蕩課  
並委自本州量立課額今後永不得增添如人  
不切除治致有草葑即許人割賃其割賃人特與  
權免三年課利所有新舊菱蕩課利錢盡送錢塘  
縣尉司收管謂之開湖司公使庫更不得支用以  
備逐年雇人開葑撩淺如敢別將支用並科違  
制一錢塘縣尉衙宇在西湖上今來起請今後差  
錢塘縣尉衙位內帶管開湖司公事嘗切點檢總  
有菱葑即依法施行或支開湖司錢物雇人開  
替日委後政點檢交割如有菱葑不切除治即  
所屬點檢申吏部理為遺闕以上條件並刻石置  
知州及錢塘縣尉廳上常切點檢○此奏葉真蹟  
見苗平章藏

塞 詔郡守湯鵬舉措置遂用工開撩及修砌

威遠臨安志卷三十二

五

六井陰竇水口增置斗門開板量度水勢通放入

井且條具事宜 一檢准 紹興九年八月指揮許  
止有四十餘人今已措置撥填揆及元額蓋造寨  
屋舟船專一撩湖不許它役一契勘 紹興九年

八月指揮差錢塘縣尉兼管開湖職事臣今欲專  
差武臣一員知道逐時檢察庶幾積日累月開撩  
不致依舊埋塞一契勘西湖所種菱葑往往于湖  
中取泥葑夾和糞穢包根墜種及不時澆灌穢污  
紹興十七年六月申明今後永不許請佃裁種今  
來又復重置蓮荷填塞湖港臣已將蓮荷租課官  
錢並已除放訖如有違犯之人科罪 乾道五年周  
追賞有官人具申朝廷取旨施行

安撫淙奏臣竊惟西湖所貴深濶而引水入城中

諸井尤在涓潔累降 指揮禁止拋棄糞土栽植

菱菱及澣衣洗馬穢汚湖水罪賞固已嚴備舊招



軍兵二百人專一撩湖委錢塘縣尉主管後來廢闕見存止三十五名而有力之家又復請佃湖面轉令人戶租賃栽種芟菱因緣包占增疊隄岍日益填塞深慮歲久西湖愈狹水源不通臣近以重修諸井溝口了畢令欲增置撩湖軍兵一百人修蓋寨屋置造舟船就委錢塘縣尉并本府壕寨官一員於銜位內帶主管開湖事專一管轄軍兵開撩不許人戶請佃種植芟菱及因而包占增疊隄岸或有違戾許人告捉以違制論旨從之自後時有申明淳祐丁未大旱水盡涸詔郡守

趙興憲開濬仍奉朝命自六井至錢塘門上船亭西林橋北山第一橋高橋蘇隄三塔南新路柳洲寺前凡菱荷芟蕩一切雜去之

### 孤山路

在孤山之下北有斷橋南有西林橋其西為裏湖樂天詩誰開湖寺西南路草綠裙腰一道斜自注云孤山寺路在湖洲中草綠時望如裙腰舊志云不知所從始

### 蘇公隄

元祐中東坡既奏聞浚湖水因以所積葑草築



為長隄起南迄北橫截湖面綿亘數里夫道雜植花柳中為六橋行者便之坡嘗賦詩云六橋橫絕天漢上北山始與南屏通忽驚二十五萬丈老對席卷蒼烟空嗣守林希榜曰蘇公隄邦人祠公隄上後十年郡守呂惠卿奏毀之隄間鑿於水郡常隨時修治訖因克久 咸淳五年朝廷給錢命守臣潛詭友增築載礫運土填窪益庫通高二尺袤七百五十丈廣皆六十尺泐隄舊有亭九亦治新之仍補種花木數百本

### 小新隄

咸淳臨安志卷三十二

七

淳祐二年趙安撫與憲築自北山第二橋至麴院步夾岫植柳如蘇隄路通靈竺半隄作四面堂一亭三以憩游人 咸淳五年併行修築聚土增高通二尺許袤凡二百五十丈廣皆二十五尺其費亦 朝廷所給賜也

### 豐樂樓

在豐豫門外舊名聳翠樓樓據西湖之會千峰連環一碧萬頃柳汀花塢歷歷檻欄間而遊橈畫艦擢謳隄唱往往會合於樓下為遊覽最願以官酤喧雜樓亦卑小弗與景稱 淳祐九年



趙安撫與憲始撤新之瑰麗宏特高切雲漢遂  
為西湖之壯其傍花徑曲折亭榭參差與茲樓  
映帶搢紳多聚拜於此

### 三賢堂

孤山竹閣舊有白樂天林和靖蘇東坡三像後  
廢 乾道五年周安撫滌即水仙王廟之東廡  
祠焉 嘉定十五年袁安撫韶請於 朝竊見  
本府三賢堂實為尊禮名勝之所攷之圖經更  
易非一其始孤山廣化寺有白公竹閣因其遺  
跡而祀白公後人以東坡和靖附焉 南渡之

後就孤山翔延祥觀遷廣化於北山路口僅移  
竹閣而堂廢不存 乾道五年知府事周滌乃  
重建於普安寺側水仙王廟之東廡蓋取東坡  
詩配食水仙王之意殊不知此詩之作特為和  
靖而樂天東坡併以配食大失本旨况水仙王  
儼居其中三賢俛居廡下郡守謁晴禱雨帷幄  
迫近因已不敢安處而吏卒喧囂箕踞自若慢  
賢滋甚何以祀為竊惟三賢道德名節震耀今  
古而祠宇未嚴何以崇教化而厲風俗又其勝  
踐陳蹤咸在西湖孤山大隄之間今乃僻處岩



阿與湖光曼不相接榛莽蔽翳棟宇傾頽位置  
尤為弗稱韶假守以來即欲更建未得爽塏搜  
訪久之近踏逐到廢花塢一所正當蘇隄之中  
前挹平湖氣象清曠背負長岡林樾深窈南北  
諸峰嵐翠環合遂於此地築壘基址且闢大達  
與蘇隄貫聯鳩材命工建立堂宇奉安三賢庶  
幾安魂得地復還古蹟都邑人士知所尊敬其  
祠堂之外參錯亭館周植花竹以顯清樾續竢  
夫工役了畢製畫圖本繳申從之又有堂三曰水  
西雲北曰月香水影曰晴光雨色吏部侍郎程  
秘為記

### 先賢堂

寶慶二年袁安撫詔又請於朝伏覲乾道  
中忠定史越王以故相鎮越於鏡湖立先賢祠  
凡會稽先儒高士揭石分享遂為一郡盛典近  
者朝家復賜緡錢葺而新之又金陵因卞壺  
舊宅亦取江左諸賢萃為一祠皆所以見尊禮  
名勝昭示民則之意杭居吳會為列城冠湖山  
清麗瑞氣扶輿人傑代生踵武相望祠祝未建  
實為闕文仰惟聖神御極萬化維新飾治以



文增光儒道其在首善之地若茲逸禮庸可不  
搜舉而振起之韶承之京邑職在宣化昨以三  
賢祠宇位置勿稱已更諸爽塏獨先賢祀典未  
秩營度有日擇勝良艱近聞南山之北新堤之  
上居民有以屋廬園池求售者因捐公帑以酬  
其直計緡錢七千有畸嘗躬往相視其地前挹  
平湖四山環合基趾夷曠意象窈深今欲建立  
堂皇表以臺門翼以廊廡繚以墻垣通以橋梁  
初為嚴奉先賢之所併欲稽考歷代史傳及百  
家之書并郡志所載凡忠臣孝子善士名流有

德行節義學問功業足以表世厲俗者詮次事  
實撰述繫贊勒諸堅石列置中堂將以旌前哲  
而淑方來隆上都而觀萬國其於教化實非小  
補洵石鳩工以次興建所合具申 朝廷欲乞  
劄下本府以憑遵守施行從之取本郡 自古  
名德許箕公而下凡三十四人及孫夫人以下  
五氏具述事蹟刻石作贊祠宇雖濱湖入其門  
一徑縈紆花竹蔽翳亭相望五六來者繇振衣  
歷古香循清風登山亭憩流芳而後至祠下既  
又徙玉晨道宮於祠之良隅以奉灑掃而易



曰旌德且為門使其往來直門為堂曰仰高中

書舍人王暨為祠記按許由事出莊子謂不受

傳伯夷曰余登箕山其上蓋有許由冢且疑孔子序列古之仁聖賢人獨由不少概見子長愛

奇入也而于迹隱之事猶未之信亦以世遠薦

紳先主難言之故耳指為杭人而列之祠固不

害為尊賢之意然必實有所據始可傳信淳

祐志覺其非以為晉許游居昌化晚山即許遠

游也嘗採藥於潛遺跡為許游觀蓋由游二字

同音而訛此說是矣然羊裘一翁清風萬古以

此託始豈不足為杭重而必

牽合傳會寓言者以為誇也

### 湖山堂

在南新路第二橋西咸淳三年洪安撫燾買

民地創建棟宇雄傑面勢端闕罔峦奔趨水流

咸淳臨安志卷三十二

十一

澗漾四浮圖矗四隅前則雷峰保叔後則南北

二高如武士何衛回眸顧盼繇後而望則夫渠

菰蒲蔚然相扶若有遜避其前之意後三年安

撫潛說友增建水閣六楹又縱為堂四楹以達

於閣環之欄檻闢之櫺牖邇延遠挹盡納萬景

卓然為西湖最遊者爭趨焉

### 玉蓮堂

在錢塘門外菩提寺南景定二年馬安撫光

祖建明年魏安撫克愚既徙郡治之竹山閣併

奉玉蓮堂奎扁揭於此



江湖偉觀

在葛嶺壽星寺外江內湖一覽在目淳祐十年趙安撫與憲重創廣廈危欄顯敞虛曠旁又為西亭可登山椒

望湖樓

在錢塘門外一里一名省經樓乾德五年錢

忠懿王建

十三間樓

在錢塘門外大佛頭纜船石山後東坡守杭日多遊處其上今為相嚴院

湖堂

在豐豫門外堂前有集賢亭右有聳翠樓

右望湖樓以下三處今皆廢名賢遺迹不可無傳故特見焉

放生池

天禧四年守王欽若建請前見明年守王隨記其

事元祐五年蘇軾請浚西湖謂每歲四月八日郡人數萬會湖上所活羽毛鱗介以百萬數

皆西北向稽首祝千萬歲紹興間臣言

奎輿駐蹕王氣所存尤宜涵養以示渥澤乞仍



以西湖為放生池禁勿採捕 慶元四年趙安撫師翼創德生堂於石函橋之西又作二亭其一濱湖為祝網縱鱗之所名曰泳飛其一枕山凡舊刻新銘皆峙焉見高內翰文虎所為記 淳祐八年趙安撫與憲既更為堂又新濱湖之亭二扁皆丐

理宗皇帝奎畫又有

御筆戒烹宰刻石立堂

上

見詔令門

其覆碑之亭則

咸淳六年安撫潛

說友所更建

咸淳臨安志卷之三十二



咸淳臨安志卷之三十三

山川十二

湖中

六井

水口置井

并續附

相國井 在甘泉坊側

西井 一名化

在安國羅漢寺前

水口 在李相國祠前

方井 俗呼四

在三省激賞酒庫西

白龜池 此水不堪汲飲止可防虞

水口 在玉蓮堂北

咸淳臨安志卷之三十三

小方井 俗呼六

在錢塘門內裴府前

水口 在菩提寺前

金牛井 今廢

南井 一名沈公井一名惠遷井

在三橋西金文西酒庫北

水口 在豐豫門外龍王堂前分入

流福坊井 在通判衙前

水口 在清波門外

鑷子井 在湧金門內北

水口 在豐豫門近楊府漁莊

惠利井 在洪福橋西



水口 在玉蓮堂南

景靈宮園水池

水口 在錢塘門外昭慶山門左

真珠河 在錢塘門內

水口 在錢塘門外菩提寺後一曲下湖

右井十水口九瀦而汲者為井導而入者為水

口自源而委實相貫通前志各自為門事辭不

屬覽者病之今會粹顛末並繫於西湖之後外

有靈芝寺前水樓汲注湖水以入繫庫雖不在

水口之數亦傳著焉

咸淳臨安志卷三十三

二

自相國井而下六井始唐刺史李鄴侯以郡城水

泉惡引湖水以便民汲白樂天復加開浚 國朝

嘉祐中沈禮部名祀廟諱字文通為守口金牛井已廢

乃作南井 熙寧中陳密學襄重濬治且遷方井

東坡為倅記其事刻石相國井亭上及 元祐中

出守南井亦已廢遂更為規置并他井皆致力焉

其詳見奏於乞僧子珪師號云勘會杭州平陸本

江海故地惟附山乃有甘泉其餘井皆鹹苦唐刺

史李秘始引西湖水作六井其後白居易亦治湖

浚井以足民用 嘉祐中知州沈廟諱增置一大



博疑作博

井在美俗坊今謂之沈公井最得要地四遠取汲而創始滅裂水常不應至熙寧中六井與沈公井例皆廢壞知州陳襄選差僧仲文子珪如正思坦四人董治其事修浚既畢歲適大旱民足於水為利甚博臣為通判親見其事經今年十八年沈公井復壞終歲枯涸居民去水遠者率以七八錢買水一斛而軍營尤以為苦臣尋訪求熙寧中修井四僧而三人已亡獨子珪在年已七十精力不問衰沈公井復壞之由子珪云熙寧中雖已修浚然不免以竹為管易致廢壞遂擘畫用瓦筒

咸淳臨安志卷三十三

三

盛以石槽底蓋堅厚銅捍周密水既足用永無壞理又於六井中控引餘波至仁和門外及威果雄節等指揮五營之間創為二井皆自來去井最遠難得水處西湖甘水殆遍一城軍民相慶若非子珪心力才幹無緣成就緣子珪先已蒙恩賜紫欲乞特賜一師號曰惠遷以旌其能取易所謂井居其所而遷之義從之邦人遂以師號為井名乾道四年周安撫淙重脩諸井時坡所刻記已廢迺復刻諸石且識其後今又百有餘年所謂惠遷井者石泐流壅泥不可食久矣頃嘗修治乃反以木



管苟簡特甚無幾時輒壞湖水既不應民居穢惡  
之流復浸淫其間咸淳六年安撫潛說友乃更  
作石甬袤一千七百尺深廣倍舊外捍內錮益堅  
縝然後水大至每五十尺穴而封之以備洶浣且  
於水所從分之處浚海子口以澄其源井之上覆  
以巨石為四穿以便民汲南為溝以達於金文橋  
之河俾船水以售者取焉撤亭而新之極闕敞旁  
為神祠置守者使無敢污慢又別為溝流惡水行  
於路之北所以為井慮者備矣水口自淳祐  
七年趙安撫與憲因水涸浚湖奏請云自涌金門  
北至錢塘門一帶荷蕩正係六井水口舊為府第  
占據租細牟利填塞穢濁今已支錢田買先就此  
處用工欲更於荷蕩界至之外用石砌結疏作石  
牕立為界限澄濾湖水舟船不得入滓穢不得侵  
使井口常潔咸享甘泉實為民久遠之利旨從  
之且命鋤掘菱荷毋得存留其後又有侵占翳塞  
者安撫潛說友乃請於朝乞行除拆會殿中鮑  
御史度劾奏入內內侍省東頭供奉官幹辦御藥  
院陳敏賢廣造屋宅於靈芝寺前水池庖厨福室  
悉處其上諸庫醞造由此池車灌以入



天地

祖宗之祠將不得蠲潔而虧歆受之福入內內侍省東頭供奉官幹辦內東門司提點御酒庫劉公王廣造屋宅於李相國祠前水池濯穢洗馬無所不施一城食用由此池灌注以入億兆黎元之生將共飲汙膩而起疾疫之災奉

御筆陳敏賢降一官放罷劉公正與祠仍拆除所占水口付臨安府交管又清波門水口其始導湖由聚景園經張府小寨分為兩路並通流福坊井折入左司理院前乃置時池之以防虞又自池入

咸淳臨安志卷三十三

五

於樓店務前河初園隸內司守者利於陸種岸水所入有司莫敢過問而小寨兩路亦為居民障塞渠岍或圯不治又請於朝乞照舊規自學士橋大湖開取水港濶一丈長四十丈至舊來鐵窻橋水口通流入井仍以租錢量納內司旨從之由是水路之障塞者撤渠岍之頽圯者築且與居民為厲禁然後故流盡復倚閘為門揭以巨扁將刊省劄指揮於石以諭來者又以玉蓮堂豐樂樓兩水口皆為植荷芡者樊其旁汙穢尤盛蓋由前是官利租入仍踵舊弊乃悉除去其籍差開湖兵絕



所蒔本根使勿復萌蘖至是講求大口之利亦無遺筭矣

### 記文石記

樂天記云錢唐湖一名上湖周回三十里北有石函南有寬凡放水溉田每歲

一寸可溉十五餘頃每旱若防隄如法蓄洩及時

州大抵春多雨夏秋多旱若防隄如法蓄洩及時

即瀕湖千餘頃及公田無凶年矣五州百餘頃湖

河田須放湖水入河從河入田準鹽鐵使舊法又

旱甚則湖水不充今年修築湖隄高加數尺水亦

隨加即不營足矣既或不修湖隄高加數尺水亦

官河又有餘矣湖非灌田時若官河通乾船俗云

决放湖水不利錢塘縣官多假他詞以惑刺史或

云魚龍無所託或云菱菱失其利且魚龍與生民

之命孰急菱菱與稻梁之利孰多斷可知矣又云

放湖中又有泉數十眼湖耗則泉湧雖盡竭湖水

低湖中又有泉數十眼湖耗則泉湧雖盡竭湖水

而泉用有餘况前後放湖終不至竭而云六井無

水謬矣其郭中六井李泌相公與郡日所作甚利

于人與湖相通中有陰實往：埋塞亦宜裁際而

通理之則雖大旱而井水常足湖中有無稅田約

數十頃湖淺而田出湖深則田沒田戶多與所由

計會盜洩湖水利私田其石函南寬并諸小寬

### 遺筭矣

六井記東坡記云湖水平陸皆江之故地其水苦惡惟負山鑿

矣沮洳斥鹵化為桑麻之區而久乃為城邑聚落

凡今州之平陸皆江之故地其水苦惡惟負山鑿

井乃得甘泉而所及不廣唐宰相李公長源始作

六井引西湖水以足民用其後刺史白公樂天治

湖濬井刻石湖上至于今賴之始長源六井其最

大者在古清湖為相國井其西為西井少西而北

咸淳臨安志卷三十三

六

知不足齋鮑氏補鈔

宋本影鈔



為金牛池又北而西附城為方井為白龜池又北而東至錢唐縣治之南為小方井為金牛之廢矣嘉祐中太守沈公文通又于六井之南絕河而東至美俗坊為南井出涌金門並湖而北有水牌三注以石溝灌城而東者南井與相國方井之所從出也若西井則相國之派別者也而白龜池小方井皆為匿溝湖底無所用牌此六井之大畧也熙寧五年秋太守陳公述古始至問民之所病皆曰六井不治民不給于水南井溝庫而高水行地中率常不應公曰嘻甚矣吾在此可使民求水而不得乎乃命僧仲文子珪辦其事仲文子珪又引其徒如正思坦以自助凡出力以佐官者二十餘人于是發溝易甃緝罅漏而相國之水大至坎滿溢流南注于河千艘更載瞬息百斛以方井為近于濁惡而遷之少西不能五步而得其故基父老驚曰此古方井也民李甲遷之于此六十餘年矣疏涌金池為上中下使澣衣洗馬不及于上池而列二牌于門外其一赴三池而決之河其一細之石檻比竹為五管以出之並河而東絕三橋以入于石溝注于南井水之所從來高則南井常

咸淳臨安志卷三十三

七

歡水矣凡為子歸四皆垣墻高鑄以護之明年春六井畢修而歲適大旱自江淮至浙右井皆竭民至以罌缶貯水相餉如酒醴而錢塘之民肩足所任舟楫所及南出龍山北至長河鹽官海上皆以飲牛馬給沐浴方是時汲者皆誦佛以祝公余以為水者人之所甚急而早至于井竭非歲之所常有也以其不常有而忽其所甚急以天下之通患也豈獨水哉故詳其語以告後之人使雖至于久遠廢壞而

乾道重修井記

周龍圖涼撰云乾道三年夏五月涼自

兩浙轉運副使改知臨安府越明年控犴屢空經費稍裕乃以暇日披圖謀考風俗思欲與都人為不朽之利而修井之役始興惟六井自熙寧五年太守陳公始實改作蘇公通守為記其事逮元祐五年蘇公自禁林出守是邦相距終一十八年而井已廢壞于是改用瓦筒石槽其詳見于乞修井僧師號奏狀自元祐至今已八十年率多湮涸白龜池且為大姓所據涼念此邦乃為東南都會生齒阜繁况今輦轂所駐四方輻輳百司庶府千乘萬駟資于水者十倍昔時倘廢而不治



豈不為民病仰惟 聖主惟民是念宗奉承 德  
 意不取循默因奏于 上面奉 玉音即日濬治  
 遂以六月己亥經始于惠遷井易用新石堅厚高  
 廣過昔數倍以次至方井沈公井相國井白龜池  
 而蘇公所記之六井畢修扞蔽周密可置數百歲  
 水脉大至半皆盈溢則又治古井之有泉者曰瑞  
 石曰中棚曰義井曰清湖曰城之內外莫不足  
 于水矣竊惟此邦懷蘇公之德逮今不忘既踵公  
 舊規再治六井因訪求 熙寧間舊本記文刻之  
 井上而書歲月于其後使億萬上 聚知是井之修  
 蓋奉 聖天子之命而遵 咸淳重脩井記 盧侍  
 蘇公之規守臣何力之有 蘇公之德逮今不忘既踵公  
 撰云六府以修為功而水居其守蓋生人所資以  
 養有一日不容闕焉者也凡邦國都鄙稍甸郊里  
 之地必有井焉以濟其日用飲食故曰井養而不  
 窮杭為東南一大都會左江右湖民物阜繁厥初  
 因沙塘奠厥攸居故不難于得水然江之融液者  
 常苦惡不若湖之為甘且美也蓋江與海通波湖  
 則受眾山流泉而滯之味之不同也亦宜唐刺史  
 李鄴侯泌始作六井引茲水以足民用我 朝

咸淳臨安志卷三十三

八

熙寧壬子陳公襄因其舊而修之 元祐庚午蘇  
 公軾又修之于以見六井者杭人之所利賴矧  
 南渡駐蹕以來百司庶府六軍萬姓仰于水者視  
 昔何啻百倍 乾道間周龍岡深詢民之欲踵蘇  
 之規而深致力焉蓋百有餘年于此矣 皇上咸  
 淳之六年 太傅平章魏公任軍國重事 朝廷  
 清明官府一體彈壓 輦下今時則易然也夫既  
 及于井曰惠遷者溝低于河泥不可食寬舊用木  
 歲久輒壞迺培而高之復治石為渠以尺計一于  
 七百有奇表捍裹錮既廣既深水始大至覆之巨  
 石而竅其上可用汲流溢而南注于金文橋之河  
 舟者載以粥烏民且饗水矣然猶慮眾流之合汙  
 也迺浚受水海以澄其源迺鑿別溝以疏其惡旁  
 立神祠置守者遠汚慢也西井舊有亭宇經燬不  
 存今鼎新如惠遷以至相國南井大方小方水口  
 之所自入莫不表而出之流福居六井之外于府  
 治為近其源自聚景園導湖灌輸後填於成陸湮  
 廢滋久迺自學士橋別開大港水脉以通他如眾  
 河之支分派別壅者疏之狹者廣之石梁之圯者

知不足齋鮑氏補鈔

宋本影鈔



改造之隄岬之夷者陪築之而又推本六井之攸  
始于是鄴侯之廟隘以拓之大旱而增之崇豫設  
儀如塗獲真如過者改視工告役備尹以修浚本  
末未諗俾為記或作而言曰人非水不生活水非  
井不甘潔在易井之六四曰井甃無咎修井也誠  
齋楊氏釋之曰大哉井之有功于斯人乎大哉修  
之有功于斯井乎尹能于割裁之暇汲之以修井  
為務蓋得聖經賢傳之旨矣以余觀之井之為井  
有二自天一生水而坎之中畫自乾來掘地九仞  
而得泉此自然之井也六井則異是穴平地以為  
凹池取諸西湖而注之使然之井也其自熱者修  
治易為力使然者修治難為功是役也其工大其  
費夥其利于民也博法宜  
**三賢堂記**  
程侍即玘撰  
書尹姓潛名說友括蒼人  
俯括坤維日月之所交參陰陽之所極凡曰帝王  
之宅必于天地之中理固宜然勢常異是自三皇  
之曲阜暨五季之大梁其間迭遷曾不一數或據  
莫河之勝或都大華之奇或因澗澗之濱或取峭  
函之險天開我宋古汴作京代無定都地大則  
一蓋地大則物衆人多則亨繁是以堯先流化于

咸淳臨安志卷三十三

九

平陽舜亦躬率于蒲坂以其難治施化特先迨至  
西京俗益非古土木被錦繡倡優潛后服小盜依  
大盜白晝顯行于遠路閭閻一尹之莫任析三輔  
侯宮洗風川流靡弊膠底知一尹之莫任析三輔  
以分司二百年間能尹十數前稱張趙後美三王  
政其設施率先彈壓不曰廢奸擯杖則曰枹鼓不  
鳴至曰宣化于今師則未始或書于往謀商邑翼  
翼四方所觀彼豈不知力莫能速于往謀商邑翼  
蹕錢塘勝言吳越之中宿號東南之盛矧今也焉  
旗豹尾星拱天臨宮闕崔嵬江山吞吐雲橫雉堞  
侵漢連霄鱗比坊衢飛塵踏霧千族之所聚萬貨  
之所奔賣繒絛器之流懷材抱畧冒脯賣漿之輩  
並驚分鑑木觀金鉞南關北關軸接則重車錢鳳  
鞍聯則寶騎游龍割決既繁儲須益廣左酬右接  
昕夕不休比歲以來滋病不治粵惟今尹被命四  
年令修不煩風行如偃萬戶安眠于皎月羣姦側  
立于層水微熯不驚寸抱思警靡廢不起靡澈不  
新至若蘇隄浸就頽圯築橋翼岬十軌並馳加以  
危亭參差對峙芙蓉楊柳固畫分開百年流風一  
朝頓復伊曰未也政而不化河汾懼焉乃益學田



乃厚學識學徒蕭雍上濟壁宮既而則又曰今化  
 既施古訓未白于是又移祀三賢用昭榮則嗚呼  
 得非彈壓之外固有甚火者耶厥初孤山有寺廣  
 化寺有竹閣以奉香山莫知何年循以二賢已而  
 廣化之而為觀遷寺北山閣亦隨焉守周侯涼惡  
 其囂喧乃遷三賢附于水僂水仙坐堂三賢在廡  
 過者悲之晚而不領令尹曰噫吾責可辭規度逾  
 年得之隄旁稍西百步宿號花塢後壠如屏衆木  
 搖天前峰如幕晴嵐漲煙十里湖光一碧澄鮮乃  
 請于朝幕晴嵐漲煙十里湖光一碧澄鮮乃  
 千杵築隄萬斧治宮我花蔣竹石梁卧虹昔有旗  
 亭徙之橋北一徑窈然與人世隔如宮水精如屋  
 琉璃乃奉三賢即而相之嗚呼三賢相望為稷願  
 回同道異用不同者時高風直節廩：魏：是舉  
 也薄書期會云乎哉獄訟財賦云乎哉雖然為政  
 不難知所後先天之降才有能不能朝廷以勞且  
 且久也擢之地卿後領京兆非才之難而識之難  
 僞工于壬午之臘竣役于癸未之春都人和豫四  
 方來觀成日休哉宣教化于浴吏者能若是耶修茅  
 非能行其所學而不汨于浴吏者能若是耶修茅

咸淳臨安志卷三十三

容之廬葺仲舒之墓學此意于無窮慰我都人之  
 思者非來者之望而誰耶嗚呼吾知三賢欣：而  
 相與于：而借來抱山之青飲湖之綠千億其年  
 統湖山風月之盟無疑也尹袁氏名韶今為戶部  
 侍郎兼知臨安府云都人以尹之意而謁記于秘  
 既書其凡矣于是又昔蓋染章使都人歌而祝之  
 有唐卿厝峻又海林香山之靖聖徒之清善于僧  
 孺今而不黨于僧孺姐于虞卿今而不累于虞卿  
 六十少二翩然濯纓雍容人間十九周星異日元  
 稹黜德裕嫉僧孺宗閔交仇固極眦斯人兮孰失  
 而孰得耶皇宋四葉丙子歲成峨嶺之下乃生  
 異人新法之議烈：如水惠州之厄熙：如春泰  
 山名節兮鴻毛祿位藜藿昂食兮嶺海朝廷被  
 美一人兮君復孤山兮結屋冥鴻叫月号謾羅布  
 地之置天泗起河兮不入金羈之東嗚呼捍湖滌  
 井想長慶之良規西菩雙澗衰：熙寧之新題梅  
 影橫斜兮寧須封禪之無辭彼士之有可而無否  
 者骨鯁之風衰知進而不不知止者廉耻之道微三  
 賢之風百世之師嗟乎盧千載之欺閣兮金新釣  
 石借百年之隄姓兮于今返壁招二鶴以重歸兮



去來于孤山之側噫嘻有新我祠之賢尹兮寧和  
璞之重逢有十三絃之可鼓兮豈不還虞氏之遺  
風玩吉祥之花觀南屏之魚兮未多羨乎修菊之  
藁儻來者之能必葺兮期分尔席之西東

### 先賢堂記

王中書堅撰云 今皇帝嗣位之明年  
改元寶慶既進賢舉廉以厲在位又

褒表 先朝儒學之望且訪其後而官使之意嚮  
所形天下風動九月吉日知臨安有袁公韶言于

朝曰 聖明御極留神治本微臣承乏 輦轂下  
將何以宣布上指為列州率維昔太師忠定越王

鎮會稽嘗集郡之先賢立祠鏡湖上歲久勿治近  
朝家賜錢增葺所以後飾厥文而垂後法也錢

唐為浙右都會名公鉅公前後相望獨未有論次  
章述者今將考此邦人物做會稽故事為祠宮

俾國人有所矜式于教道其有補 朝廷嘉焉即  
日報可並南山下少北新堤之上有以園廬求售

者公往視之則水環其址平湖滿抱林壑映發夷  
曠靜深迺易以絡錢為之區畫外堂內室周以廊

廡門垣橋徑各當位置涓辰賦工民以悅從遂采  
撫郡志旁搜史籍上下數千載間得全節之士自

咸淳臨安志卷三三三 二

許箕公而下三十有四 人女婦之以孝烈著者五  
人輯其平生大槩製贊刻石列之堂室以代繪像

又明年移洞晨舊觀于其側俾掌薰潔之事請易  
其額曰旌德今丞相魯公為大書而揭之既訖工

屬堅為記暨聞一鄉之善士生同時居同里而  
目接固有與之俱化者矣若居雖同里而生不同

時其得于父兄長老之傳如楚國先賢襄陽耆舊  
二傳所載士大夫或未必盡知而凡民何從知之

况 六飛移蹕今已百年物繁俗靡出城不 跬步  
湖山之麓甲天下良辰美景婆娑遊衍又安知許

巖高節之在此都也今也周 御祠下挹志士之流  
風濺正女之往行將有起敬 起慕若醉醒而夢覓

者是豈不為感發人心之地 哉公于先賢去取之  
際進德行而退文藝先節 義而後功名使聞之者

有益蹈之者無弊權度森 然莫不嘆其精且詳也  
竊考 國家盛時以三司開 封為天下劇任號稱

省府必用清流而異時登 擢峻異往往由以此選  
蓋本之儒術以觀其識投 之盤錯以觀其能祖

宗詳試人材蓋有深意官 制行三司職歸戶部而  
行都繁穠視開封則一公 被過先帝自軍器少

知不足齋鮑氏補鈔



監擢兼府事歷司農太府遂由地官貳卿而陟  
昌六載于茲淵源流通而上有餘財條教明清而  
下無犯令群清肅穆百廢具舉省府二任處之裕  
如非平時學問明于體用則酬酢事物焉能從容  
不迫審所先後若此耶先賢名氏傳贊紀述詳矣  
茲畧不叙獨建堂本意于以表  
賢之美且著京邑所以承流宣化之寔俾群方來  
觀者知所馭則焉  
寶慶二年六月旦日記

### 先賢贊

夜不舍稽留之山可聊天下○漢嚴先生甄殷陶  
周起渭去莘先生奚為畢世隱淪西都之季氣節  
不伸以此助理匪潔其身○吳將軍凌公蛾視曹  
瞞霆掃鋒矚翼蔽仲謀脫危虎尾忠不顧身有實  
無二豈曰兵家為古國士○晉文正范先生涵今  
茹古殫見洽聞津航學海從者如雲周粟雖甘其  
忍去殷文正之謚汗簡流芳○晉中尉褚公龍躍  
鳳鳴人物之盛雖有宅樂亦不敢請晚靚清姿瞿  
然興敬吾善者機心會神○晉孫先生造物與  
游盡性窮理閤室不欺佩仁服義禹稷同道飢溺

咸淳臨安志卷三十三

三

由已天畜其年如願之死○宋龍驤將軍卜壯侯  
惟節與誼天下大閑果○龍驤為人所難死輕鴻  
毛名重泰山兇徒逆傳胡不辱願○宋范先生  
降俗瀉貨力為己隣有急難晚而不視温○德人  
藥疾楊死榆陰孟亭必恭敬止○齊褚先生瀑布  
長虹難比其潔剡山白石莫抗其節蒲壁空還不  
受弱紕館熾之阿太平日月○齊頌先生寒松怪  
節殘膏腹筭蓼莪廢詩晉哀是侶山谷諫編蛛網  
金匱南風帝琴草堂流水○齊杜先生軒冕帝朝醢  
雞舞甕肥遯立園道義為重子亦謝官菽水歸奉  
橋梓俱零死生同夢○梁太中大夫范公帝師之  
學惜不逢時諤○忠諫汲直之遺秩二十石秋毫  
無私家徒壁立萬古清規○梁范先生抱甕生涯  
山澤耀儒匿瑕之德董決里閭跨齊歷梁蕭然隱  
居孰云好爵不如故蔬○梁記室褚公曠探義文  
學鄙敬向孝通于天日嚴以敬溢米廢餐苦廬滅  
性超絕古今冠冕百行○唐太常卿褚康公潛龍  
將翔霧雨先集貂珥蟬聯康濟鴻業鳩杖之歸遺  
恨黃閣蒼梧白楊始終過合○唐太尉裕公受遺  
老臣立朝孤忠事有至難惶恤我躬遂醜湘水胎

知不足齋鮑氏補鈔



禍漢宮委階之芴光摩蒼空。唐禮部尚書褚文  
公發揮聖真經緯邦國端憂言歸廬在空谷松栢  
游榮塵鹿攸伏惟孝惟忠其人如玉。唐荊州大  
都督許公氣吞軋犖屈事髯張緞賊喉牙為國金  
湯壯哉美士魂兮故鄉名存忠烈廟食相望。唐  
章先生終唐之世垂三百年于杭大州得三人焉  
孝通神明維德之全殺青闕文我永其傳。後梁  
吳越王武肅錢公匹馬一呼奄有吳會積而藏之  
百年有待子孫其昌生民永賴錦衣故城山川不  
改。後梁給事中羅公浣西草堂白髮參謀奇骨  
非媚與俗為仇竟江百篇擬度驛駟異世一轍汗  
漫天游。皇朝秦王忠懿錢公真人龍興揮斥六  
合我有土田國獻閭閻吳芮分茅忠載令甲煌煌  
大星流光累葉。皇朝吏部侍郎公名遺公車  
萬乘知已膏馥詩書嶺嶠沫泗遨頭倦游宴林樾  
沈鑿國刀圭乃砭州里。皇朝知制誥謝公決河  
之諫砥柱類波爰田之均槩量取禾象璜衆建子  
衿肩摩乃言底績其德不瑕。皇朝諫院錢公大  
科異等一翁二季白眉最良德稱其位玉立朝紳  
霜清諫紙筆。如公百年有幾。皇朝和靖林先

咸淳臨安志卷三十三

生避影林壑清畏人知爾梅多事漏吾天機長風  
孤鶩秋鶴與飛山高水深無成無虧。皇朝翰林  
學士沈公伊昔繡游駭耀閭里而公之歸仁及生  
死軌花日新隧栢風起哲人其萎命也天只。皇  
朝太中大夫錢公翻：王孫侃，儒素國有大超  
庭抗三疏平生美官一寒如故何以贈終知者明  
主。皇朝龍圖學士陸公瑀戈蓋節邕桂延廊航  
琛輦蕞威行令字青苗之議干喙囁嚅筆端膚寸  
膏澤蠶息。皇朝龍圖閣學士錢公戒得若仇口  
唾鉤錐疾惡如風筆驅蛇豕孤雲九華一片不起  
名振雞林清哉膚使。皇朝秘閣吳公帝學巍  
游戲弄翰言當格心矣止筆諫常棟專經谷風共  
難施屯豐年識者三嘆。皇朝龍圖閣學士虞一  
公鴻雁安居龍聽懷惠皇：者華君子豈弟若人  
侵官事時其細投効以爭所重國體一。皇朝八  
行崔先生尸祝于庠惟褚及許異世並祠以盛德  
故行歸于周為獲為矩仰止高山尚其忠武。道  
皇朝太師崇國張文忠公閔洛正傳表微繼絕  
扶中興大義昭揭譔波稽天柯傷日月揚光于今  
益暢忠烈。孫氏定夫人烈：共姜英：陵母惟



壞

四朝聞見錄

夫人德二美具有歲晚養堂金章紫綬受報于天  
 俾昌俾壽。虞氏夫人彤史無傳女師罔詔展如  
 之人獨懷清操望服若居名齋德曜爰表芳徽來  
 者是倣。馮孝女孝之大端于終于始有女能之  
 愧彼男子靡室靡家養生喪死揭名鄉門永錫爾  
 類。○何氏節婦臨難守節哲士難之惟此烈婦白  
 办弗移殺身成仁其甘如飴松柏之心匪姑焉知  
 盛氏孝婦之事姑難于事親乃眷淑德今昔  
 異閨里闕表懿史冊揚放生池記。粵若星辰麗天  
 芬閨門之化式是國人之福。放生池記。粵若星辰麗天  
 斗宿分揚州之域江漢為紀荆河控餘杭之地斯  
 郡也民俗繁侈山水奇秀總軍戎之重乃東南之  
 鉅屏無兵火之沴為吳越之福壤羅城之西有湖  
 曰錢塘或謂上湖亦云西湖寶刹相望綠岬百餘  
 寺烟景可愛澄波三十里實二浙之佳致一方之  
 上游也。天禧三年秋七月相國太原公自巖廟  
 之任膺麾符之寄坐召棠以敷教化訟息以刑清奉  
 漢條以班春境肅而物泰未期月眾心熙熙然如  
 登柱史之臺矣明年秋八月公祇奉詔召入觀  
 家闕澤國留昔福之頌當守厚畫接之眷因上言

咸陽臨志卷三十三

古

是湖也最為勝境俯瀕佛宮居人蠶食盡取其中  
 國家每以歲時祈乃民福星輅至止精說于蘭場  
 羽服陳儀恭投于龍商願禁採捕仍以放生池名  
 為請。皇帝仁及萬有惠濟群品法神武之不殺  
 守慈儉以為寶奏續誠激凝旒喜動濬發中旨  
 普令茂育絲綸適降已改觀于方塘固曷靡施免  
 有嘆于頽尾既孚生之樂永煥巍之業隨好  
 職瑣闥承之方面獲觀善利思勤于金石媿無好  
 辭聊記于德生堂記。高內翰文虎撰云。皇帝踐  
 歲月者矣。德生堂記。高內翰文虎撰云。皇帝踐  
 謚施仁需澤損賦薄刑所以養民本迓天休德至  
 渥也而又厲精圖政綜賢經能功亮績熙小大成  
 舉乃曠。駐蹕寔維錢唐命尹神臯聿嚴厥選權  
 尚書工部侍郎臣師曩以材學猷力宣毅一時昨  
 拜大農兼治天府凡厥董察劬農振兵束吏至于  
 簿書期會金穀鉅筭以及郊丘之共宮庭之奉百  
 司庶府之頌紀綱規模肅具叙茲表治行擢登  
 從班其在四年十月七日師曩著奏曰臣仰稽登  
 聖代襲唐舊因杭州王欽若之請也西湖利害難中  
 太子太保判杭州王欽若之請也西湖利害難中

知不足齋鮑氏補鈔



所以二字從  
增入  
見錄

都

者五放主之舊蓋居其一者  
士知杭州蘇軾之議也  
育所章皆戈有禁淳熙慶壽申飭  
既昌福應攸侈方當奉三宮之康福  
本支所宜日長月滋益介多祉  
莽條禁墮于姦豪甚非所奉寬大  
誕聖之期同致華封之祝在嚴戒  
宮林禁當並飭富強扶貴法所必  
蕃國本制曰可于是相攸度近  
石函石通涵制作亭五楹前有軒  
後又作亭又作亭三楹內儂山趾  
也又作亭三楹內儂山趾舊刻新  
華表垂之嘉名奉詢畫者錢塘尉  
曰觀人聚觀和氣歡散盤薄無際  
天並崇祀盛哉臣竊惟同久推而  
自茲始猗歎皇之基與地同命  
光一以寬仁守為家法兵不輕用  
所涵舟車所至滲漉亭育潤澤豐  
然鳥獸魚鼈咸若夏歷以興以及  
以盛有天下者發政施仁未有不

咸淳臨安志卷三十三

五

能推廣旨意形于告猷迄伴流恩興  
詩云天保定爾以莫不興如山如阜  
川之方至以莫不增維時有之臣既  
以銘曰天錫宋命世以仁宋媚于天  
聖神維天曰生皇矣吳我其受之代  
不濫施兵不妄陳孰尸天府永保又  
聖膺圖闡珍曰洽廣莫瀚淪孰尸天  
憲是遵慈薰惠洽廣莫瀚淪孰尸天  
謂昔有池西湖之津羅罽所窺防禁  
之德封奏諄皇帝曰嘻汝其作新用  
壽予君親師曩稽首惟恭惟寅勒石  
濱露囊金監率時播紳與厥耆老戾  
魚躍整翰膏鱗天育海涵贊取蕃  
姦化醇欽上之惠指吾棄緡仁民  
均民物一致天人之因人頌皇冠德  
奉承三宮八千歲椿子孫繩子孫振

題詠西湖

燕珠春泥亂花漸欲迷人眼  
愛湖東行不足綠楊陰裏白沙隄  
湖上春來似

知不足齋鮑氏補鈔

宋本影鈔



畫圖亂峰圍繞水平鋪松排山面千里翠月點波  
 心一顆珠碧琰線頭抽早稻青羅裙帶展新蒲未  
 能拋得杭州去一半勾留是此湖醉醒坐待晚涼  
 盡日湖亭卧心閑事亦稀起因殘醉醒酒風誰留  
 歸松雨飄藤帽江風透葛衣柳隄行不飲沙輦絮  
 霏：湖上夜飲郊外迎人月湖邊醒酒風誰留  
 使君飲紅燭在舟中湖中自照詩重：照影看  
 容髮不見朱顏見白絲失却少年無覓處泥它湖  
 水欲何為湖上招客送春泛舟詩欲送殘春招  
 酒伴家中誰最有風清兩瓶茗下初求得一曲霓  
 裳始教成排比管絃行翠袖指麾船舫點紅旌漫  
 牽好向湖心去恰似菱花鏡上行西湖留別詩  
 征途行色慘風煙祖帳離叢咽管絃翠黛不須留  
 五馬皇恩只許住三年綠藤陰下鋪歌席紅藕花  
 中泊妓船履：回頭盡堪戀就中難別是湖邊○  
 林和靖詩混元神巧本無形匠出西湖作畫屏春  
 水淨于僧眼碧晚山濃似佛頭青葉櫨粉堵搖魚  
 影蘭杜烟叢閣鷺翎往：鳥柳與橫笛斜風細雨  
 不堪聽泛舟入靈隱詩水天相映淡妝溶隔水  
 青山無數重白鳥背人秋自遠蒼烟和歸晚來濃

咸淳臨安志卷三三

桐廬道次七里類彭蠡湖間五老峰較棹遲回歸  
 未得上方精舍動疎鐘西湖晚歸詩水痕秋落  
 蟹螯肥開過黃公酒舍歸魚覺船行沉草岬犬聞  
 人語出柴扉蒼山半帶寒雲重丹葉疎分夕照微  
 却憶青溪謝太傅當時未解惜蓑衣西湖獨泛  
 詩水氣莽山影蒼茫已作秋林深喜見寺岸靜惜  
 移舟疎葦光寒折殘缸帶夕收吾廬在何處歸興  
 起漁謳上湖自石函泛下湖小墅詩平望：不  
 極雲端遠依：及向扁舟泊還尋下瀨歸青山連  
 石埭春水入柴扉多謝提壺鳥留人到落暉西  
 湖泛雪詩浩蕩迷空濶霏：接水瀆舟移忽自却  
 山近未全分凍軫閑清泛溫鑪揖薄熏悠：詠招  
 隱何許歎離羣湖上初春偶作梅花開盡臘亦  
 盡晴暖便如寒食天春色半歸湖岸寺人家多上  
 郭門船文禽相並映短莫翠湫欲生浮嬾煙幾處  
 酒旗山影下細風時已弄繁弦湖樓寫望湖水  
 混空碧凭欄凝睇勞夕寒山翠重秋靜鳥行高遠  
 意極千里浮生輕一毫叢林數未徧杳靄隔漁舫  
 北避謝秘校西湖馬表裏湖上極目春據鞍時



湖上晚歸卧枕船舷歸思清望中渾恐是蓬瀛橋  
 橫水木已秋色寺倚雲峰更晚晴翠羽濕飛如見  
 避紅渠香娟似相迎依稀漸近誅茅地雞犬林蘿  
 隱：散香娟似相迎依稀漸近誅茅地雞犬林蘿  
 鞞題詩春烟寺院敲茶鼓夕照樓臺卓酒旗濃吐  
 雜芳薰岫崿温飛雙翠破璉騎人間幸有蓑蕪笠  
 且上漁舟作釣師酬畫師西湖春望笛聲風暖  
 野梅香湖上凭欄日漸長一樣樓臺圓佛寺十分  
 烟雨簇漁鄉鷗橫殘葑多成陣柳映危橋未著行  
 終約吾師指芳草静吟閑步听華陽危橋未著行  
 憶西湖詩長憶西湖勝鑑湖春波千頃碧如鋪吾  
 皇不識明皇美可賜踈狂賀老無東坡和蔡準  
 即中邊遠西湖詩夏潦漲湖深更幽西風落木笑  
 蓉秋飛雪暗天雲拂地新蒲出水柳映洲湖上四  
 時看不足惟有人生飄若浮解願一咲豈易得生  
 人有酒君應留君不見錢唐遊宦客朝推囚暮决  
 獄不因人喚何時休城市不識江湖幽如與聽  
 姑語春秋試令江湖處城市却似麋鹿遊汀洲高  
 人無心無不可得坎且止乘流浮公卿故舊留不  
 得過所得意終年留君不見拋官彭澤令琴無絃

咸淳臨安志卷三十三

中有酒醉欲眠時遣客休田間决水鳴幽荷  
 秧未遍麥已秋相携燒茆苦竹寺却下踏藕荷  
 洲船頭斫鮮細縷：船尾炊玉香浮：臨風飽食  
 得甘寢肯使細故曾中留君不見壯士悴憔悴  
 謀食渴謀飲功名有時無罷休夜泛西湖五集  
 新月生魄迹未安終破五六漸盤諱今夜吐艷如  
 半壁游人得向三更省三更向闌月漸垂欲落未  
 落景特奇明朝人事誰料得看到蒼龍西沒時蒼  
 龍已沒牛斗橫東方龍角昇長庚漁人收筒及未  
 曉船過惟有菰蒲散湖上魚者菰蒲無人遺水  
 荷花夜開風露香漸見燈明出遠寺更待月黑看  
 湖光湖光非鬼亦鬼仙風恬浪静光滿川須臾兩  
 兩入寺去就視不見空茫然湖上歸春風吹涼行  
 盡器半酣味尤長藍輿湖上歸春風吹涼行到  
 孤山西夜色已蒼：清吟雜夢寐得句名御已忘尚  
 記梨花村依：聞暗香入城定何時賓客半存亡  
 睡眠忽驚覆紫燈開河塘市人拍手笑狀如失林  
 肇始悟山野姿吳趣難自強人生安為樂吾策殊  
 未良飲湖山初晴後雨朝曦迎客艷重固晚雨  
 留人入醉鄉此意自佳君不會一杯當爲水仙王

知不足齋鮑氏補鈔

宋本影鈔



水光激滌晴方好山色空濛雨亦奇欲把西湖比  
 西子淡粧濃抹總相宜遊西湖次曹子方韻詞  
 源艷波頭展清唱一聲岩谷湍未容雪積句先  
 高獨豈湖開心自遠雲山已作歌眉淺山上碧流  
 清似眼樽前酒只新詩何異書魚食蠹蘭竹遊  
 西湖雪中次仲殊韻二首夜半幽夢覺稍聞竹葦  
 聲起續凍折絃為鼓一丹行曲終天自明王樓已  
 崢嶸有懷二三子落筆先飛雲共為竹林會身與  
 孤鴻輕秀語出寒餓身窮詩乃烹禪老復何為  
 指孤烟生我獨念聚者誰與予自成寶雲樓閣  
 開千林門靜初無一鳥喧閉戶莫教風掃地捲簾  
 疑有月臨軒水光激滌猶浮碧山色空濛已斂昏  
 乞得湯休奇絕句始知益絮是陳言去杭州十  
 五年復遊西湖我識南屏金鯽魚重來撫檻散齋  
 餘運從舊社得心印似省前生覓手書對合平湖  
 久蕪漫人經豐歲尚凋疎誰隣寂寞高常侍老去  
 狂歌憶孟諸次韻劉景文周次元寒食同遊西  
 湖絮飛春減不成年老境同乘下瀨船籃尾忽驚  
 新火夜遨頭要及浣花前山山西老將詩無敵洛下  
 書生語更妍共向北山尋二士畫梳鬢鼓聒清眠

咸淳臨安志卷三十三

六

遊西湖王忠玉張全翁同訪北山清順道潛登  
 赤雲亭飲泉即赴陳使君夜飲次忠玉韻北山非  
 自高千仞付我足西湖亦何有萬象生我目雲深  
 人在鴉風靜響應谷與君皆無心信步行看竹  
 間逢詩鳴眼色奪湖淥百篇成俯仰二老相追逐  
 故應千頃池養此一隻鷓鴣山高路已斷亭小膝屨  
 但夜尋三尺井渴飲半甌玉明朝開絲管寒食雜  
 歌哭使君坐無聊狂客來不連載酒有鷓夷扣門  
 非啄木浮蛆澗金益翠羽出華屋須臾便陳迹覺  
 夢耶可續及君未渡江過我勤秉燭一咲換人爵  
 百年終鬼錄沈諫議約遊湖明日得蓮蓬于北  
 山沈和少詩因用其韻湖上棠陰手自我問公更  
 得幾回來水仙亦恐公歸去故遣雙蓮一夜開  
 詔書行捧綵金戕藥府應敬相府違莫忘今年花  
 發處西湖畔北山前赤玉鱗遊舫已粧吳榜穩舞  
 衫初試越羅新欲將魚釣追黃帽未要靴刀抹絳  
 巾芳意十分強半在為君先踏水邊春早到湖  
 工二令先在城頭月落尚啼鳥榜紅艎早滿湖  
 鼓吹未容迎五馬水雲先已颺雙鳧映小黃帽煇



頰筋夾道青煙鶴尾爐老病逢春只思睡獨求僧  
 榻寄須臾次韻劉景文西湖席上二老長身吃  
 兩峰常撞大白髮憐君畧相似青山許我定相從吾  
 今官已六百石慙愧當年邛曼容與莫同年雨  
 中飲湖上到處相逢是偶然夢中相對各華顛還  
 來一醉西湖雨不見跳珠十五年曠西湖寄晁  
 美叔西湖天下景遊者無愚賢深淺隨所得誰能  
 識其全嗟我本狂直早為世所捐獨專山水樂付  
 與寧非天三百六十寺幽尋遂窮年所至得其妙  
 心知口難傳至今清夜夢耳目餘芳鮮君持使者  
 節風采爍云煙清流與碧岫安肯為君妍胡不屏  
 騎從整借僧榻眠讀我壁間詩清涼洗煩煎策杖  
 無道路直造意所便應逢古漁父葦間自寅緣問  
 道若有得買魚勿論錢陳密學衰和蘇子瞻通  
 判在告見寄郊原芳意動遊人湖上晴波見躍鱗  
 閒逐牙旗千遠暗驚梅萼萬枝新尋僧每拂題  
 請壁邀客仍持漉酒中寄語文園何所苦且來相  
 伴一行春和子瞻沿牒京口憶西湖寒食出遊  
 見寄乞得湖山養病身花時曾共憶行春喫鳴幽

咸淳臨安志卷三十三

九

鳥還遷木感沸清泉復采芹皂蓋尋芳丘有李綵  
 樓觀戲卷無人錦袍公子歸何晚獨念溝中菜色  
 氏時濟常暗沿清微春陰漢燕飛可惜春光與  
 子遠半嶺煙霞紅旆入滿湖月風盡船歸緹望一  
 關人何在遼鶴重來事已非猶憶去年題別處鳥  
 啼苑落客沾衣○參寥子秋日落西湖六首兩小斜  
 抱翠遙迤一水中間似漢陂孤榜獨來還獨往鷺  
 鷗鷗鴉莫相疑瑋然一葉墮空亭似喚幽人夢  
 欲醒斜倚東屏寨翠幔沈香煙吐博山青南山  
 爽氣對朝霏竹露吹風更濕衣可是吟魂怯清景  
 何妨著屐步苔磯飛來雙鷺落寒汀秋水無痕  
 玉鏡清疎蓼黃蘆直掩映沙邊危立太分明欲  
 跨高樓曠遠情無端秋雨苦冥々崢嶸日脚漏雲  
 處瞥見遙山一抹青西湖夜半捲篷眠臥聽鄰  
 翁曉圓開稚子相呼入林去應知病葉落莓苔  
 同蘇文鏡主簿西湖夜泛鳳味山頭暮靄空月娥  
 飛去廣寒宮初登桂檝橫湖去似覺銀河有路通  
 掠草飛螢星點：眠沙宿鷺玉叢：從來江摠文  
 才妙請付毫端刻畫中○曾南豐西湖二首左符  
 千里走東方喜有西湖六月涼塞上馬蹄終反覆



泰山鷓飽正飛揚  
 懶宜鳥魚心常靜  
 老覺詩書味更長  
 行到平橋初見日  
 滿川風露紫荷香  
 湖面平隨葦  
 洲長碧天垂影  
 入清光一川風  
 露荷花曉六月  
 蓬瀛燕坐涼  
 蒼海桴浮成曠  
 蕩明河槎上更  
 微茫何須辛苦  
 求人外自有先  
 鄉及水鄉趙循  
 道秋日泛西湖  
 光山色共爭秋  
 一點塵埃無覓  
 處沉水底見青  
 天畫舸直疑天  
 上去泛湖晚  
 歸日脚掩西山  
 四面煙光起  
 片月落湖心  
 照破琉璃  
 琉璃水面天光  
 潤孤煙暝不  
 休收將一釣  
 月挂起旅人愁  
 劉景文西湖泛  
 舟呈東坡西湖  
 春意勝當年公  
 領筇蕭泛畫船  
 錦綉一林生水  
 面衣冠萬堵立  
 山前仁恩在物  
 禽魚遂喜氣隨  
 人草木妍半  
 醉掃花風調別  
 寫真須是李龍  
 眠僧惠洪遊西  
 湖西湖招提三  
 百六佳處如春  
 有眉目一書兩  
 過吞青空萬頃  
 無波鴨頭綠望  
 湖接閣獨自登  
 煙霏向背攢寒  
 玉想見襄陽孟  
 浩然此中有句  
 不容續道人長  
 坐西山阿骨清  
 氣明韻出俗久  
 居京闕厭塵土  
 一夕歸心後如  
 鶴明窓為君研  
 破硯落筆轉  
 頭風雨速龍山  
 深處如定居就  
 彼結鄰容我卜  
 趙忠簡公鼎和  
 鄭有功游西湖  
 二首放舟越淮  
 楚

咸淳臨安志卷三十三

二

更作三吳遊尚  
 餘兔夢怖敢動  
 鄉邦愁湖山自  
 清絕鑑中螺髻  
 浮况復得夫子  
 一咲忘幽憂時  
 作清言中有湖  
 山秋却念無家  
 客坎止而乘流  
 何當與俱歸歲  
 晚隣一丘晚覺  
 身名誤慙定孰  
 親却回蒼水棹  
 來看武林春避  
 地將安往尋山  
 莫厭頻百錢挑  
 竹杖雲外踏  
 嶙峋臨印高  
 孝壽公純留題  
 西湖朱蘆白舫  
 亂湖光隔所  
 龍身躡夕陽今  
 日懽遊復明日  
 便將京洛看  
 錢唐山見魏  
 鶴高菊洞西  
 湖暮歸風荷百  
 頃占漣漪煙  
 廟溟濛乳鴨  
 飛買斷小舟休  
 喚客暗穿萍  
 葉載詩歸溟  
 濛西湖雜興  
 二首城中無  
 處聽蟬鳴短  
 策輕鞋晚出  
 城行到餐飯  
 陰松影下恰  
 終聞得兩三  
 聲十三年游  
 駿馬黃六  
 一泉亭晚詠  
 歌生斷竹風  
 無暑氣乳禽  
 鳴處綠陰多  
 憶西湖西  
 湖春二月結  
 客少年游  
 駿馬黃緣何  
 事台州又越  
 州曾蘭墅西  
 湖夜景閑窓  
 放入四上青  
 古篆無煙氣  
 自清風不鳴  
 條花着露一  
 湖春月萬蛙  
 鼓○姜白石  
 湖工寓居湖  
 上風恬月澹  
 時卧看雲影  
 入玻璃輕舟  
 忽向牕邊  
 搖動青蘆一  
 兩枝處：虛  
 堂望眼寬荷  
 花荷葉過欄  
 干



遊人去後無歌鼓白水青山生晚寒劉龍洲城西  
 湖西湖：上山如畫二十年曾客來飛絮亂湖  
 歸未得江南老却賀方回魏鶴山領客落日黃  
 容賦詩次韻鳴鞘踏月大隄長鼓柁穿雲落日黃  
 十里青漪菱草蕩四山紅雨杏花園客從民氣占  
 春事人在枝頭看艷陽長使舟平風色好世間何  
 處有羊腸楊誠齋西湖雨中泛舟坐上二十人  
 用遲日江山麗四句分韻賦詩余得融字云正月  
 一度游玉壺二月一度游真珠是時新霽曉光初  
 西湖猷狀無遺餘君王予告作寒食來看孤山  
 海棠色海棠落盡孤山空湖山暮翔眼中黑夜來  
 三更湖水明群仙下墮嬉珠庭東坡和靖相先後  
 李成郭熙在左右惠崇捧硯大如箕大年落筆疾  
 于飛磨墨為雲灑為西湖波掀舞山傾歌畫作西  
 湖煙雨障今晨掛在孤山上同來諸彦文章公不  
 數錢起蕙吳融何如玉船一舉百分滿一咲千峯  
 煙雨散游西湖蘇公隄遠柳生煙和靖園深竹  
 映閑船入芙蓉香處去人從雲水國中暎似寒如  
 暖清和在雨翻晴頃刻間能為蓬萊老仙伯一  
 杯痛快吸湖山泛舟賞荷鳳城魚躍曉開銀國一

咸淳臨安志卷三十三

子先生領播紳山水光中金叢落芙蓉香裏葛頭  
 巾小步深登野寺幽古松將有入茶既鈴敲忽  
 起九天半有塔危峰最上頭岸：園亭傍水濱  
 裴園飛入水中橫旁人莫問將何許只嫌荷花開  
 處行船開便與世塵疎飄若乘風度太虛坐上  
 偶然遺餅餌波間無數出鳧魚西湖舊屬野人  
 家今屬天家不屬他水月亭前且楊柳集芳園下  
 儘荷花小泛西湖六月船：中人即水中仙外  
 鋪雲錦千弓地中度琉璃百摺天城中檐上買  
 蓮房未抵西湖泛野航御折荷花剝蓮子露為風  
 味月為香故人京尹剎風流走送厨珍在勝游  
 青李來禽沈註水雪黃金白玉斫燭焯人間暑  
 氣正如炊上了湖船便不知湖上四時無不好就  
 中說藕花時造畫西湖賞盡蓮玉壺落日泊  
 樓船莫嫌當處荷花少剎展湖光幾鏡天范石  
 湖次韻會客湖上西湖水泮綠生鱗料峭春風啟  
 中人花片不禁寒食雨髮絲猶帶湧金春江山契  
 潤詩情在京洛追隨客夢新喚取歌散解愁思為  
 君吹水引盃頻次韻韓無咎石司工已泛湖休  
 沫辰良不待晴徑稱間客此間行春衫欺雨任教



冷病眼得山元自明抹黛濃嵐圍坐晚揉藍新綠  
 沒蒿清栖鴉未到催歸去想被東風笑薄情金  
 華王竹寮執禮湖山紀遊吳山東南秀葱鬱盤帝  
 城西湖據其趾御氣通波心餘膏被草木蔚眼皆  
 欣榮今晨天宇穆惠風汎初晴春色正妍妙放懷  
 兵揚舠中流入汗漫曠濶無涯氣湖光扶山淥倒  
 射玻璃青絲管響空翠樓觀森淨噪猷酬雜歌嘯  
 爛熳紛醉醒取樂回莫並興懷一何深緬惟昔三  
 賢精真日以沉但餘畫像生尚想鳴佩襟希古東  
 微尚崇雅摠恬情羗子翳蓬藿無復全組纓淡泊  
 自有得榮華非所欣舍舟縱散策逸興生凌增白  
 雲引遊眺碧岫延深登幽期浩無涯忽到靜者門  
 長松育令姿流水無俗聲絕磴猿可呼出谷鶯始  
 鳴乃知物外境茲豫本不驚逝耶初無將至耶亦  
 無迎便將謝塵鞅茲馬夫頽齡山鴉接晚翔落日  
 淮行勝歸與賦新篇聊復記吾曾○以下長短句  
 ○東坡南歌子二首小山與歌眉漱波同醉眼流遊  
 人都上十三樓不羨竹西歌吹古揚州菰黍連昌  
 歌瓊彝倒玉舟誰家水調唱歌頭聲繞碧山飛去  
 晚雲白古岸開青葢新渠走碧流會者光滿萬  
 家樓記取它年扶路入西州佳節連梅兩餘生寄  
 葉舟只將茭角與雞頭更有月明千頃一時留  
 好事近湖上雨晴時秋水半蒿初沒朱檻俯窺寒  
 鑑照衰顏華髮醉中欲墮白綸巾溪風漾流月獨  
 棹小舟歸去任烟波飄兀趙忠定公柳梢清水  
 月光中烟霞影裏涌出樓臺空外笙蕭雲間咲語  
 人在蓬萊天香暗逐風回正十里荷花盛開買過  
 小舟山南遊遍山北歸來辛稼軒酌江月和韻  
 晚風吹雨戰新荷亂明珠蒼壁誰把香奩收寶  
 鏡雲錦周遭紅碧飛鳥翻空遊魚吹浪慣聽笙歌  
 席坐中豪氣看君一飲千石遙想豪士風流鶴隨  
 人去已作飛仙客茅舍竹籬今在否松竹已非疇  
 昔欲說當年望湖樓下水與雲寬窄醉中休問斷  
 腸桃葉消息劉龍洲賀新郎睡覺啼鶯曉醉西  
 湖兩峯日買花簪帽去盡酒徒無人問惟有玉  
 山自倒任拍手兒童爭咲一騎乘風翻然去避魚  
 龍不見波殺情韻遠喚蘇小神仙路近蓬萊島  
 紫雲深參差禁籞有烟花遠人世紅塵西障日百  
 計不如歸好付樂事與它年少費盡柳金梨雪句  
 問沉香亭北何時召心未惟髮先老沁園春斗酒

咸淳臨安志卷三十三

三

知不足齋鮑氏補鈔



鼠肩風雨渡江豈不快哉被香山居士約林和靖  
 與坡仙老勃駕吾回坡謂西湖正如西子濃抹淡  
 粧臨照臺二公者但掉頭不顧只管傳杯白云天  
 竺去來者金壁崔嵬樓觀開况縱橫二澗東西水  
 遠兩山南北高下雲堆道曰不然暗香浮動何似  
 孤山先探梅須晴去訪稼軒未晚且此徘徊馬  
 古洲莊父阮郎歸清明寒食不多時香紅漸稀  
 番騰粒東閣蘇隄留春怎知花褪雨絮沾泥  
 波寸不移三三西兩叫船兒人歸春也歸高竹  
 屋蘇隄芙蓉菩薩蠻紅雲半壁秋波急艷粒泣露  
 嬌啼色佳夢入仙城風流古曼卿宮袍呼醉醒休  
 捲西風錦明日粉香殘六橋煙水寒剡隨如鎮  
 西湖錢別江神子送春曾到百花洲夕陽收暮雲  
 留想伴花神騎鶴上揚州回首湖上情味淡重把  
 酒更登樓相思南浦古津頭未拏舟已驚鷗柳外  
 歸鴉點點是離愁空倚陽閣三臺曲敬不盡水中  
 流盧蒲江高夜啼漾暖紋波颭吹晴絲雨濛  
 濛輕衫短帽西湖路花氣撲春驄關草寒衣濕翠  
 秋千瞥眼飛紅日長不放春醪困立盡海棠風  
 洪叔與菩薩蠻吳姬壑酒浮紅蟻少年未飲心先

虎洋臨三卷三三  
 二三

醉駐馬綠楊陰酒樓三月春相看成一嘆遺恨知  
 多少回首欲魂銷長樓橋連斷橋沈元用小重山  
 湖上秋來蓮蕩空年華都付與木芙蓉採菱舟子  
 兩相逢雙媚靨一笑與誰濃斜日落冥濛鴛鴦飛  
 起處水無蹤望湖樓上兩孤山路俞灝湖隄晚竹  
 三峯人不見林外數聲鐘孤山路暝色微從草色  
 生管弦羅綺盡歸城不應閑**豐樂樓**林暉德撰賦  
 却孤山路我自扶藜月不行**豐樂樓**以樓成湖上  
 與眾同樂為韻十里掌平豈樂樓兮波頭截橫誠  
 一時之佳果不日以能成朝野無塵當與時而  
 同樂湖山如畫多對景以舒情錢塘故地之豪華  
 臨安新府之雄壯三千卷陌兮叢花柳以競妬十  
 萬人家喻列綺羅而夸尚笙歌極天下之選風物  
 駭人間之望流傳今古只誇兩浙之間多少繁華  
 盡簇西湖之上踞虎盤龍橫霓架虹平地聳蓬萊  
 之島飛仙移紫府之宮縈綠楊于南北迷芳草于  
 西東幸太平之日久宜行樂以民同碧天連水  
 連天魚在瑠璃影裏盡閣映山映閣為橫錦障  
 固中珠簾半捲芳映上下之空濶細雨揚園之淡泊  
 高低之樓閣落霞楚天之下空濶細雨揚園之淡泊

知不足齋鮑氏補鈔

宋本影鈔



謝後登臨陶巾落魄休誇隨鹿之遊更任押鷗之  
 梁玉女巖金沙井依鄴水之鳧煙霞洞瑪瑙坡隱  
 隱揚州之鶴嶺末風波浪花捲述梅塢竹閣松亭  
 柳州池涌金子門外泉跳珠于湖頭碧落雲垂芳  
 月照湖波長在不與歲以俱流翻思煙鎖洞庭輪  
 更好湖波長在不與歲以俱流翻思煙鎖洞庭輪  
 漁樵之閑話月沉湘浦付羈旅以凝愁于是陪五  
 陵年少之歡談三島神仙之衆望推嶺以富覽指  
 蘭舟而目送葛仙舊波兮綠湖邊之草吳王故苑  
 兮付樽前之夢雕梁舊日之燕盡棟彩當年之  
 鳳佳入携手望窮虎跑之泉老故傳益遠認龍泓  
 之洞山水如故星霜屢逝春風芳老于長陌夕陽  
 幾度于平湖勝賞難過佳期莫辜腕管繁弦奏樂  
 所新散之曲輕衫短帽醉高陽舊酒之位其或鶯  
 花懶兮夢岬嶺洲露荷陰兮蘭汀蕙渚秋風桂子  
 之興味臘雪梅花之情緒傷高懷遠兮幾時窮併  
 朱顏望湖樓瀟閣詩云望湖樓上立竟日懶思還  
 留與望湖樓聽水分界池首雲過別山孤舟依  
 岸靜獨鳥向人閒回首重門閉蛙鼓夕照間  
 坡宿望湖樓詩新月如佳人出海初弄色娟娟到

咸洋臨安志卷三十三

音

湖上漱、搖空碧夜涼人未寢山靜聞響履騷人  
 故多感悲秋更謬慄君胡不相就朱墨紛點赤我  
 行得所嗜十日忘家宅但恨無友生詩病莫訶語  
 君來試吟未定作鵲頰側改罷心愈疑滿紙蛟龍  
 黑望湖樓醉書五絕黑雲翻墨未遮山白雨跳  
 珠亂入船卷地風未息吹散望湖樓下水如天  
 放生魚船解與月徘徊荷花別處開水枕能令山  
 俯仰風船解與月徘徊荷花別處開水枕能令山  
 青菰菜綠盤忽憶嘗新會靈觀滯留江海得加餐  
 獻花遊女木蘭梳細雨斜風濕翠翹無限芳洲  
 生杜若吳兒不識楚詞招未成小隱聊中隱可  
 得長閑勝暫閒我本無家更來往故鄉無此好湖  
 山不堪病起登望湖樓臨江仙詞多病休文都瘦損  
 不堪金帶垂腰望湖樓下暗香飄和風春弄袖明  
 月夜闌蕭酒醒夢回清漏永隱床無恨更潮佳人  
 不見董嬌嬈徘徊花月上空度可憐宵王荆公  
 望湖樓回馬工水光山氣碧浮：落日持歸又少  
 留從此祇應長入夢：中還與故人遊

湖堂

薛昂趙云一段風煙不可閑出門滿目是吳  
 山昔人華夏今何在守湖堂在安公廟建



日漁舟任自閒風觀新新霄漢上近作涌金樓甚  
 常龍洲依舊水雲間郡州祠五龍以西廣典湖堂  
 萬足相照歸來丘壑多江湖偉觀車玉峯題十年  
 幽趣願與諸賢約往還吐雲天入水樓臺倒景日銜  
 象依然一望間龍登吐雲天入水樓臺倒景日銜  
 山僧于僻寺難為隱人在高舟不是閒孤鶴似尋  
 和靖宅盤空飛下復飛還朱繼芳題吳山表裏  
 水為池百有餘年壯帝畿天日遠將復鳳落海  
 門近拱六龍飛胥濤白雪生秋思太乙紅雲駐夕  
 暉江上沙鷗湖上舫柳邊風裏兩依：范晞文  
 題西湖何處可消愁快上人間百尺樓千里山川  
 浮王氣百年形勢壯皇州通仙宅近梅應古城老  
 祠空竹自秋立遍闌干無限意六橋歌舞懶回頭  
 范希高題望斷孤蒲烟水鄉凭高不盡意蒼茫  
 神州北去山川遠王氣南來天地長晴見白雲歸  
 竺國夜看紅日上扶桑游人自擁笙歌醉誰為梅  
 一花酌  
 一觴

咸淳臨安志卷之三十三

二十五

# 咸淳臨安志卷之三十三

十五日校

知不足齋鮑氏補鈔



咸淳臨安志卷之三十四

山川十三

下湖

在錢塘門外其源出於上湖湖即西一自玉壺水口

流出九曲沿城一帶至餘杭門外一自水磨頭石

函橋東入策選鋒教場楊府雲洞北郭稅務側合

為一流如環帶然有二斗門瀦泄之淳化七年

上湖水涸城內井多竭趙安撫與憲命工自錢塘

塘尉解之北望湖亭下鑿渠引天目山水自餘杭

河經蔡家渡河口達於溜水橋斗門凡作數壩用

咸淳臨安志卷三十四

車運水仰注上湖城內水口繇是流通人賴其利

題詠林和靖艤舟石函因過下湖小墅詩云平湖

望不極雲彌遠悠々及向高舟泊還尋下榻

歸青山連石球春水入柴扉多謝提壺高留人到

落暉○參寥子下湖晚歸屈曲莎堤引興長肯辭

芒履踏秋霜歸來已奏孤

城角撩亂梅花落女墻

石湖

在錢塘縣定山南鄉

明聖湖

劉道真錢塘記云湖在縣南二百步父老相傳湖

中嘗有金牛見遂以明聖為名鄺道元水經注此

湖在縣南江側又仁和縣東十八里亦有明聖湖



御息湖

祥符志云在仁和縣東北一十八里周回三里故老相傳秦始皇東游暫憩於此因名

臨平湖

輿地廣記云在仁和縣祥符志云在縣東長樂鄉周迴十里湖中有白龍潭吳志赤烏二年寶鼎見因呼為鼎湖晉武帝咸寧中慧星孛於角占者云吳臨平湖自漢末壅塞至是復開父老相傳此湖塞天下亂此湖開天下平又吳郡言臨平湖邊得一石函中有小石青白色長四寸廣二寸刻其上

咸淳臨安志卷三十四

二

作皇帝字孫皓於是改元為天璽晉安帝元興二

年臨平湖水赤或以為祥瑞

詳具臨平山

題詠

權德輿臨平湖夜泛詩素彩皓通津孤舟入清曠已愛隔蘆省還宜捲簾望隔蘆當此時

惆悵思君：不知。張祐臨平湖詩三月平湖草欲齊綠楊分映入長隄田家起處烏龍吠酒客醒時謝豹啼三檻正當蓮葉渚水瑤新擘稻秧畦人間謾說多歧路咫尺神仙洞却迷

泛洋湖

在仁和縣之北天宗門外

像光湖

在仁和縣之長樂鄉唐神龍元年湖有五色光明掘地得彌勒石像乃建寺以像光為額且名其湖



石橋湖

在仁和縣之臨平鎮西永和鄉

丁山湖

在仁和縣之永和鄉

石鼓湖

在仁和桐扣山下晉時石鼓出於岬故名

餘杭

南上湖

在溪南五里塘高一丈四尺上下各廣二丈五尺周迴三十二里二十八步與下湖相接

咸淳臨安志卷三十四

三

南下湖

在溪南舊縣西二里六十五步高塘一丈四尺上廣一丈五尺下廣二丈五尺周迴三十四里一百八十一步舊志云按輿地志後漢熹平二年縣令陳渾脩隄防開湖灌溉縣境公私田一千餘頃所利七千餘戶歲久塘圯唐寶曆中縣令歸珖重脩百姓祠之立石為記舊有歸府君廟是也唐地理志亦云餘杭南五里有上湖西二里有下湖歸珖宰餘杭築甬道西北大路高廣徑直百餘里行旅無山水之患國朝以來縣令主簿並以管幹塘



岍入街任滿無損者有賞故隨時修築 熙寧中  
 因水衝激其岍漸底 紹興中縣令李元弼率民  
 築增三尺州又差捍江兵士及濠寨官助之塘漏  
 則以橐為箔捍護得免者屢矣南湖之塞最為本  
 邑利害父老傳云 慶曆以前歲調夫開湖其後  
 不復脩治遂至湮塞又南湖東南嶽廟之側石有  
 櫺橋五畝塋二處皆陳王遺蹟父老云昔湖深水  
 低則引兩湖之水由此入安樂鄉其塋上下各濶  
 丈餘後湖堙塞欽德昭德兩鄉之民侵湖成田梅  
 月連雨必苦大侵欲其快於流洩於是塋與橋毀

咸淳臨安志卷三十四

四

弗修 宣和中知縣江衷躬訪利害紹復前績民  
 賴其賜縣丞成無玷嘗以水利記以紀其功又作  
 五畝塋銘刻之鳳凰山 紹熙甲寅畿漕 黃黻  
 重脩 慶元丙辰正月訖事徐安國為之記

記銘水利記 曰昔水發源天目經兩郡六邑以入

地高水經三邑處其下流水勢奔放不可為力餘  
 杭界其間襟帶三江地勢平徹當昔水之衝流洪  
 歲常一再至久雨或數至倏忽彌漫高處二丈許  
 然不三日報平其為患雖亟除而難測以禦也故  
 隄防之設比他為重使是邑也無隄防則野不可  
 耕邑不可居橫流大肆為旁郡害故餘杭之人視  
 水如寇盜隄防如城郭旁郡視餘杭為捍蔽如精  
 兵所聚控扼之地也東漢熹平中陳公為是邑始  
 築兩湖以為水 漢者曰南下湖環三十四里  
 並山者曰南上湖環三十三里洪流從高赴卑其



勢捍甚得所謂石門函者則折而滙之湖既就寬  
 渠河之流而東接東溪五福渠之水以入于吳興  
 其派別而北者為黃母港十二里與苕溪會于其  
 會處節以石球曰西函溪流方漲則閉以固東鄉  
 之田俟其稍落則啟函以走渠港之潦下田亟乾  
 水不儲侵若旱暵亦名印函以灌溉膏腴千頃餘無  
 水旱號為沃壤衣食萬室出賦輸無慮萬斛而計  
 其為旁利又倍蓰也其為塘岸現模甚工得周官  
 善防之意歷年寔遠溪湖皆高隄堰琪玳水或逆  
 行漂沒廬舍西函既自疎濶守者貪賂竊鑿以渡  
 舟水因大至官趣救目前遠塞之弭患自函之塞  
 十歲九潦民日益困土脉沮洳始成棄地今大夫  
 江公以宣和四年夏來臨此民屬兵火之餘眎  
 民瘠甚為之惻然思所以振之者編諏耆舊得溪  
 湖利病甚詳民以歎患于隄防未嘗大夫曰民固  
 困吾不忍若厲然用若請也其特永送之報幸朝  
 廷寬恩無他賦役解豫于暇日不亦善乎乃以是  
 年冬度工賦事民騷趨之始于西函次五畝塋次  
 緣湖之岸當溪之衝者曰紫陽灘尹家塘次護郊

咸淳臨安志卷三十四

五

之隄曰中隔塘次綠溪之塘次上湖可洩者渠河受  
 踰明星瀆東接廟灣之塘次上湖可洩者渠河受  
 水處曰石樞橋次綠溪之岸當石門函之左曰閑  
 林塘南岸皆全矣凡北岸之塘與南對修由西門  
 之外曰五里塘西山之橫隴當溪之衝者曰龜塘  
 及東鄉之外盡十四埧之防一皆圓治于是決渠  
 之岸無徧強之患其下流遠郡與錢塘接壤之田  
 犬牙綺錯而塘在吾邑者曰廟灣曰許家琪曰茭  
 蕩曰塘口曰唇潭曰化灣與其西岸石瀨曹橋之  
 間十餘琪之岸亦皆增葺凡隄防之設西函鉅為  
 最大夫躬勸相撫循之以記役雪霜風雨往來暴  
 露車殆馬煩徒御疲劇而大夫踐履泥塗臨視指  
 頷蚤莫不懈忘疲與瘡民知其為我勞也亦忘其  
 勞嘗大雪與民約日霽而來民莫肯去凡函之制  
 因其利而頽加以巧思安以養勇不動之心期以  
 悠久不息之誠應于人而驗于物工師殫其技役  
 夫敏其力堅厚精密岩山峙經始十二月甲寅  
 落成于明年三月己巳其高七仞其厚一百三十  
 丈兩涯橫徹其中礮閉處小隄從隄度敵去相  
 尋有半加層寸焉故石之工九百七十役庸萬有

知不足齋鮑氏補鈔



六千三百用無贏不愆于素函成遠近觀愕眙歎服  
 諸儒為文若詩以紀頌之自餘隄防由東塘而上  
 分委邑佐董之各因其地之民故沒不告勞而功  
 並集由廟灣而下則因其塘長而語之靡不聽令  
 併力以趨洎成如期其南岸利害雖皆與西函為  
 表裏而西函最為要會夫南海之自漢迄今邑  
 人思詠陳公時節奉祠之不少衰然沙土與漲水  
 俱至水去而淤比歲益甚也今欲就平矣蓋適會其  
 言兒時見以隱然隆阜也今欲就平矣蓋適會其  
 極時非并下隄郡邑之力不可濬治此亦易議也  
 湖日塞則隄不得增若五畝濬者他時蓋為巨  
 防今不盡復水無可趨蓄中隔塘且為城邑病故  
 今五畝濬之制其高下僅可隱人其長止四百九  
 十五尺其北田岬漸高屬于山足者凡五百尺下  
 于濬尺許皆空不築湖水過五尺則般濬北空處  
 以流過六尺則般濬以流水之留濬下止五尺溪  
 流平則五尺之水復自石門函還細于溪西湖水  
 般濬者勢緩不為東郡及南渠河病後民因湖  
 塞稍耕其地利水之速去也故隄防有盜決者

咸淳臨安志卷三十四

六

時湖與溪皆有塘長官充差料俾專繕治既而役  
 之如早隄然又常以假人民獸苦之罷去既久  
 戒寔弛墮者弗增闕者弗苾蟻蛙鼠穿獺鳧之穴  
 漫而不營者水至則潰今稍復增置塘長而蠲其  
 役又于五畝濬舉除令為約束以盜決之弊民  
 之蒙惠無窮也嗚呼是舉也修積年之廢墜惟遠  
 慮明斷主之以惻怛濟之以勤敏卒能變弃地為  
 膏壤易榛蕪為多稼化飢饉為豐年銷驚畏而甘  
 寢斯民安靜樂業耕則有獲養老慈幼仁及閭里  
 風氣清夷疾癘不作德大夫之賜固昭矣然功之  
 所被及于旁郡而旁郡之人不知德蓋利愈博則  
 名愈晦我道然也俗吏苟愉歲月莫肯以民事經  
 意語民事則日為迂濶聞公之風采不少愧乎欲  
 知時之治否當視循吏之用否孝宣先武號為中  
 興故良二千石多在甘露間而昭武詔書重賞卓  
 茂擢為太傅今攷公之行事可以知武詔書重賞  
 矣甘露建武誠不足多也然則尊榮顯寵其可辭  
 乎無玷承公命直書其事俾後有攷故于功利及  
 祠物者持書之并政有過人之善者頌之陳公名禪  
 祠有五號不知封爵所始宣和五年四月朔記

前作陳

姪

知不足齋鮑氏補鈔



石遭兵火不存今流傳民間按東漢陳禪本傳不為餘杭令唐地里志寶慶中令歸珽因漢令陳潭故迹置則塘之利始于陳潭明矣今以潭為禪當是傳寫之誤熙寧中縣令扈大亮作廟記亦不載其

### 五畝堦銘

曰湯：茗水發于天目兩湖灌輸合有源滙于山足勢溢以傾怒濤奔蹙高卑之際

歲維板築拓基五畝隨潤北屬水溢乃流如縈諸斛蓄泄得宜高下成熟自堦之環歲無半菽茂宰因民無廢不復慮始云難勸趨則速既堅既厚旁

郡蒙福咨爾後人嘉績思續南湖之陽鳳凰之麓石林崢嶸驚湍回曲勒此銘詩尚識陵谷之重

### 修塘記

曰紹興五年秋八月霖潦不止洪登法天所漂沒室屋千五百餘家流尸散入旁邑多稼化為腐草新天子嗣位視民如傷遣使旁干侍御

黃公黼拜節幾漕奉承德意掩蔽賑飢憚湖塘之廢重為三州六邑之害孰意興復力請于上取棄地于馬監發陳粟于豐儲出錢幣于漕庫閱用于

咸淳臨安志卷三十四

七

役數千人所活甚眾填築敗岸幫廣舊隄木以捍基編竹以蓄土增高既除于舊橫敞復于前環視上下兩湖數千里間如連岡之隱起堅壁之橫亘邑既藉定民可耕殖復以溪塘環繞一邑補治如初獨闕林塘附湖當溪水之衝隨築隨隄迺築其址激水之平陸以實敗岸之罅隙沿隄隄幫築其址益厚棉五十餘丈工以夫計二十萬四千二百二十有四錢以緡計二萬八千二百九十有二月九日碩計六千六百一十有六經始以是年十月九日工後薄呂大勳主錢穀丞鄭昌時徐壽卿尉胡輔之佐其事漕屬李耆民葉相堅護之始終盡瘁焉

### 南湖中港

沙溪港

石門港

金湖港

鱖魚港

西山港

湖田港

到進港

曹家港

鮎魚港

方家港



沿塘港 泥孔港 曹家港 李家港 聞家坑

岱子坑 下清坑 鐵步坑 新港 老婆闕港

父老云或過淫雨湖水泛溢遂由五畝墜側流入安樂不可盡塞欲盡免水患唯在開湖而已據水利碑云非併下流郡縣之力不可濬治功力既廣前後為政者不敢遽議亦不可行湖內舊有望牛堆數處又有湖港湖堰之類今隱然而存者唯一二而已曰坑曰港曰堰皆埋沒不可盡辨 淳熙二年上司要見本縣南湖壅過利害縣中申明以馬監障固收草其後上司令欽德鄉招德鄉撥為港以泄南湖水勢尋亦不能行

### 臨安縣

金鮮湖

在德義鄉俗傳有龍

咸淳臨安志卷三十四

### 於潛縣

觀湖

在縣南二十里

### 富陽縣

陽陂湖

在縣北十里二十六步周十六里六十四步可溉田萬畝唐地里志正觀十二年縣令郝其開南六十步有隄登封元年縣令李濬所築東自海西至於笕浦以捍水患正元七年縣令鄭早又增脩之

湧泉湖



在縣西二十五里濶二十餘丈長四百步泉水湧出可溉田數百頃

鹽官縣

竹浦湖

在縣東北六十里周六里

高湖

在縣東北一十七里東西二十八里南北一尋三

步  
谷湖

在縣東北四十六里周四里

建寧湖

在縣西北二十五里東西一十里南北九里吳建

興中開因名建興

舊志誤作建寧

已上四湖今皆廢

咸淳臨安志卷之三十四



咸淳臨安志卷之三十五

山川十四

河

城內

茆山河

東自保安水門向西過權貨務橋轉北過茆山并

蒲橋至梅家橋

德壽宮之東元有茆山河因展拓宮基填塞積漸民戶包占惟存去

水大溝至蒲橋修內司營填塞所不及者故道尚存自後軍東橋至梅家橋河

鹽橋運河

南自碧波亭州橋通江橋與保安水門裏橫河過

咸淳臨安志卷三十五

一

望仙橋直北至梅家橋出天宗水門一派自仁和

倉後葛家橋天水院橋 淳祐倉前出餘杭門水

門

市河

俗呼小河

東自清冷橋西流至南瓦橫河口轉北由金波橋

巧兒橋直北至仁和倉橋轉東與茆山河水合由

天水院橋轉北過便橋出餘杭門水門

清湖河

西自府治前淨因橋過閘轉北由樓店務橋至轉

運司橋轉東由渡子橋與涌金池水合流至金文



庫與三橋水相合由軍將橋至清湖橋投北由石  
灰橋至衆安橋又投北與市河相合入鵝鴨橋轉  
西一派自洗麩橋至紀家橋轉北由車橋至便橋  
出餘杭門

城中四河茆山中廢已久而鹽橋河市河日納  
潮水泥沙渾濁居民規占河道委草壤其間久  
之乃爲平陸官雖以時開浚未幾填塞如故

元祐五年守蘇公軾請于 朝軾 熙寧中通  
判杭州訪問民間疾苦父老皆云苦運河淤塞  
遠則五年近則三年率常一開濬不獨勞役兵

咸淳臨安志卷三十五

二

民而運河自州前至北郭穿闌闔中蓋十四五  
里每將興工市肆洶動公私騷然自胥吏壕寨  
兵級等皆能恐喝人戶或云當於某處置土某  
處過泥水則居者皆有失業之憂旣得重賂又  
轉而之它及工役旣畢則房廊邸店作踐狼籍  
園圃隙地例成丘阜積雨蕩濯復入河中居民  
患厭未易悉數若三五年失開則公私壅滯以  
尺寸水行數百斛舟人牛力盡跬步千里雖監  
司使命有數日不能出郭者其餘艱阻固不待  
言問其所以頻開屢塞之由皆云龍山浙江兩



閘日納潮水沙泥渾濁一汛一淤積日稍久便及四五尺其勢當然不足恠也父老又言錢氏有國時郡城之東有小堰門旣云小堰則容有大者昔人以大小二堰隔截江水不放入城則城中諸河專用西湖水水旣清澈無由淤塞而餘杭門外地名半道紅昔亦有堰名爲清湖意亦愛惜湖水不令走下自天禧中故相王欽若知杭州始壞此堰亦快目下舟楫往來今七十餘年矣以意度之必自此後湖水不足於用而取足於江潮又況今者西湖日就堙塞昔之

水面半爲葑田霖潦之際無所潴蓄流溢害田而旱乾之月湖自減涸不能復及運河謹按唐長慶中刺史白居易濬治西湖作石函記其略曰自錢塘至鹽官界應漑夾河田者皆放湖水入河自河入田若隄防如法蓄泄及時則可漑瀕湖田千頃由此觀之西湖之水尚能自運河入田以漑千頃則運河足用可知也軾於是時雖知此利害而講求其方未得要便今者蒙恩出典此州自去年七月到任首見運河乾淺使客出入艱苦萬狀穀米薪芻亦緣此暴貴尋刻



刷捍江兵士及諸色廂軍得一千人自十月興工至今年四月終開濬茆山鹽橋二河各十餘里皆有水八尺已上見今公私舟舡通利父老皆言自三十年以來開河未有若此深快者也然潮水日至淤填如舊則三五年間前功復棄軾方講問其策而臨濮縣主簿監在城商稅蘇堅建議曰江潮灌注城中諸河歲月已久若遽用錢氏故事以堰閘却之令自城外轉過不惟事體稍大而西湖葑合積水不多雖引入城未可全恃宜參酌古今且用中策今城中運河有

二其一曰茆山河南抵龍山浙江閘口而北出天宗門其一曰鹽橋河南至州前碧波亭下東合茆山河而北出餘杭天宗二門東西相望不及三百步二河合於門外以北抵長河堰下今宜於鈐轄司前創置一閘每遇潮上則暫閉此閘令龍山浙江潮水徑從茆山河出天宗門候一兩時辰潮平水清然後開閘則鹽橋一河過閘闡中者永無潮水淤塞開淘搔擾之患而茆山河縱復淤填乃在人戶稀少村落相半之中雖不免開淘而泥土有可堆積不爲人患潮水



自茆山河行十餘里至梅家橋下始與鹽橋河相通潮已行遠泥沙澄墜雖入鹽橋河亦不淤

填自來潮水茆山鹽橋二河只淤填十里茆山填自十里已外不曾開淘此已然之明效

河既日受潮水無緣涸竭而鹽橋河底低茆山

河底四尺梅家橋下量得水深四尺則鹽橋河

亦無涸竭之理然猶當過慮以備乏水今西湖

水貫城以入于清湖河者大小凡五道一暗門

一所一湧金門外水閘一所一集賢亭前

水篲一所一集賢亭後閘一所一菩提寺前斗門一所皆自清湖河而下以北出餘杭門不復

與城中運河相灌輸此最可惜宜於湧金門內

咸淳臨安志卷三十五

五

小河中置一小堰使暗門湧金門二道所引湖

水入法慧寺東溝中南行九十一丈則鑿為新

溝二十六丈以東達于承天寺東之溝又南行

九十丈復鑿為新溝一百有七丈以東入于猫

兒橋河口自猫兒橋河口入新水門以入于鹽

橋河則咫尺之近矣此河下流則江潮清水之

所入上流則西湖活水之所注永無乏絕之憂

矣而湖水所過皆闌闔曲折之間宜作石櫃貯

水使民得汲用澣濯且以備火災其利甚博此

所謂參酌古今而用中策也軾尋以堅之言使



通直郎知仁和縣事黃僕相度可否及僚吏躬親驗視一一皆如堅言可成無疑也謹以四月二十日興工開導及作堰閘不過數月可以成就今有合行起請事件謹具畫一如左

所創置

鈐轄司前一閘雖每遇潮上閉得一兩時辰而公私舟船欲出入閘者自須先期出入必不肯端坐以待閉閘兼更有茆山一河自可通行以此實無阻滯之患而能隔截江潮徑自茆山河出天宗門至鹽橋一河永無堙塞開淘搔擾之患為利不小恐來者不知本末以阻滯為言輕有變改積以歲月舊患復作今來起請新置鈐轄司前一閘遇潮上閉訖方得開龍山浙江閘候潮平水清方得開鈐轄司前一閘一鹽橋運河岸上有治平四年提刑元積中所立石刻為人戶屋舍侵占牽路已行拆除外具載闊狹丈尺今方二十餘年而兩岸人戶復侵占牽路蓋

咸淳臨安志卷三二五

六

屋數千間却於屋外別作牽路以致河道日就淺窄準此據理並合拆除本州方行相度而人戶相率經州乞據逐人家後丈尺各作木岸以護河隄仍據所侵占地量出賃錢官為椿管準備修補木岸乞免拆除屋舍本州已依狀施行去訖今來起請應占牽路人戶所出賃錢並送通判廳收管準備修補河岸不得別將支用如違並科違制右謹件如前兼畫成地圖一面隨狀納上

中興駐蹕河事尤所加意

紹興四年

嘗起發近郡廂軍開修馬運副承家等因奏申

嚴填塞之禁自是以來為守者率以時察視惟

謹乾道四年周安撫淙出公帑錢大浚治城

內外河凡六千二百五十丈又置巡河鋪屋三

十所撩河船三十隻計慮益深遠矣清湖河疏



引西湖水雖潮汛所不到亦以淤塞相習工力不時隄圯水涸行者舟者胥以爲病 咸淳六年 朝廷始命安撫潛說友措置開修且斥幣餘庾其費一自斷河至清湖橋凡四千二百一十尺一自觀橋西至楊四姑橋凡二千三百三十五尺淺者浚狹者拓圯者築闕者補楫以堅木甃以巨石欄垣門步煥然一新徑術坦夷人行砥上斷河地連吳山每大雨流潦挾草壤雜至乃即其處穿海子口深三丈餘置鐵牕櫺以醜之使浮穢不入于海置澄水閘以限之使惡

流不入于河夾河人家濯清挹潔與濱湖無異魚鰕至游泳其中觀橋西連禮闈 太一宮舊沿河皆矮土墻乃易以甃石中貫以木其高七尺餘袤以尺計者一千九百八十皆前所未有也續有 旨宗陽宮前沿河併行修築凡二百七十七丈又因申倣防虞復命說友即 和寧門外河之上流開淘爲積水計自登平橋至六部橋凡四十丈海子口居四之一甃砌板築置水閘闢水門工役一視諸河而有加焉其他次第浚治尚未艾也清湖橋而下安撫趙與植接



續浚築至衆安橋

城外

運河

南自浙江跨浦橋北自渾水閘蕭公橋清水閘衆

惠橋羅木橋朱家橋轉西由保安閘至保安水門

入城土人呼城外河曰貼沙河一名裏沙河

龍山河

南自龍山渾水閘由朱橋至南水門

外沙河

南自竹車門北去繞城東過紅亭稅務廢前螺螄

咸淳臨安志卷三二五

橋東至蔡湖橋與殿司前軍寨內河相合轉西過

遊奕寨前軍寨橋至無星橋與壩子橋河相合入

艮山河沿城泛洋湖水轉北至德勝橋與運河相

合舊志作外沙河明矣今有外沙河巡檢司

菜市河

南自新門外北沿城景隆觀後至章家橋菜市橋

壩子橋入泛洋湖轉北至德勝橋與運河合流

下塘河

南自天宗水門接鹽橋餘杭水門接城中小河二河

合於北郭稅務前由清湖堰閘至德勝橋與城東



外沙河菜市河泛洋湖水相合分爲兩派一由東北上塘過東倉新橋入大運河至長安閘入嘉興曰運河一由西北過德勝橋上北城堰過江漲橋喻家橋北新橋以北入安吉州界曰下塘河

題詠

高菊磧九萬下塘二首河水新添三尺高河邊蘆岸似龜巢波流夜夜飄漁箔空點籃燈

照樹梢日出移舡日又斜蘆根時復見人家水鄉占得秋多少岸岸紅花是蓼花

### 新開運河

在餘杭門外北新橋之北通蘇湖常秀潤等河凡諸路網運及販米客舟皆由此達于行都淳祐七年夏大旱城外運河乾涸趙安撫與憲奏照

咸淳臨安志卷三十五

九

得臨安府客旅船隻經由下塘係有兩路一自東遷至北新橋今已斷流米船不通一自德清沿溪入奉口至北新橋間有積水去處亦皆斷續每米一石步檐費幾十餘千米價之增實由于此若不亟行開浚事關利害今委官相視見得自奉口至梁渚僅有一線之脉止可載十餘石米舟自梁渚至北新橋則皆乾涸不可行舟共三十六里計五千五百三十九丈五尺除已雇募鄉夫差委官屬分段開掘外又契勘塘岸一帶都保久失修築日漸墮塌繹路狹窄艱於行往今就此河所掘之土



幫築塘路庶幾水陸皆有利濟實一舉而兩得一  
自北新橋至狗葬開闊三丈深四尺一自狗葬至  
奉口開闊一丈自是往來浙右者亦皆稱其便焉  
下湖河

在溜水橋柴場北自策選馬軍寨墻八字橋沿東  
西馬塍羊角埂上泥橋下泥橋直抵步司中軍寨  
墻北一派自打水樓南折入左家橋河入江漲橋  
河一派自八字橋西策選軍寨神勇軍寨步人橋  
至古塘橋下折入餘杭塘河一派自西堰橋西溪  
山一帶至飲馬山亦折入餘杭塘河

咸淳臨安志卷三十一

子塘河

自北郭稅務驛亭下直抵左家橋係下湖泄水去  
處

餘杭塘河

在北關門外江漲橋投西四十五里至餘杭縣

奉口河

自北新橋三十六里至奉口大溪

前沙河

在菜市門外太平橋外沙河北水陸寺前入港可  
通湯鎮赭山巖門鹽場



題詠東坡嘗於此督役開河有湯村開運鹽河雨  
去來滯留媿淵明鹽事星火急誰能恤農耕  
曉鼓動萬指羅溝坑天雨助官政泣然淋衣纓  
如鴨與猪投泥相濺驚下馬荒隄上四顧但湖  
線路不容足又與牛羊爭歸田雖賤辱豈失泥中  
行寄語故山友  
讎勿厭藜羹

後沙河

在艮山門外壩子橋北

宦塘河

在餘杭門外板橋之西 淳祐七年亢旱趙安撫

與憲開浚以通米舟

蔡官人塘河

咸淳臨安志卷三一五

在艮山門外九里松塘姚斗門通何衢店湯鎮赭

山

施何村河

在桐扣山水澗堰東自運河入通裏外沙河地有施

姓何人 居故名

赤岸河

在赤岸南自運河入通高塘橫塘諸河

方興河

在臨平鎮東自運河入通像光赭山湯鎮

餘杭



南渠河

祥符志云在舊縣前一十步大溪之南闊一十五步深五尺源出于縣南上下湖東連五福渠以其在舊縣南因名南渠河今上下湖堙塞水亦不與南渠河相通故久不雨則河之涸立見

五福渠

祥符舊志云在縣東二十六里一十六步深三尺入錢塘縣界一十八里五十步瀕渠有五福廟故

以名廟廢已久

咸淳臨安志卷之三十五

南渠河

十七日校三十四卷三十五卷

知不足齋鮑氏補鈔







